


續文獻通考

七十二之五

漢書門			
二	三	三	三
八	四	三	一
冊	架	函	號類



節義

孝子

新

管仲

內閣文庫			
九	二	三	漢
四	八	三	書
函	冊	架	號類

內閣文庫			
番號	漢	243.1	
冊數	81 ( 25 )		
函號	294	13	



Kodak Gray Scale  
A 1 2 3 4 5 6 M 8 9 10 11 12 13 14 15 B 17 18 19  
© Kodak, 2007 TM: Kodak



續文獻通考卷之七十二

皇明進士雲間王圻纂輯


淺草文庫

節義考 孝子四 金元 孝釋附 皇明

金

陳顏汲縣人父光為家奴誣告賊殺人繫獄不勝拷訊因自誣服顏詣郡請代父死郡守哀之不敢決適帥臣至郡以其狀白帥曰此真孝子也遂併釋之太宗天會七年詔旌其門閭

劉政洛州人性至孝母目喪明政旦夕餽之母忽能視後母有疾剖股肉啖之疾即愈詔旌其廬除太子掌飲不劉瑜隸州人母喪不能具葬質其子以給喪事章宗明昌



續文獻通考卷之七十二

三年詔賜粟帛復其身

溫石相州人幼孤八歲奉母居郡南後母以天年終石自穿土起墳既葬親舊勸令歸石曰營緝未就姑待之時石已骨立親舊恐其遂死固勸令歸石曰祥而歸未晚也竟至禫祔盧側設竈旦作粥一盂析爲三食之不復舉火負土累月鄉人願代之石稽顙謝曰非石願也垂老時享祭器必親滌年七十有一而卒

劉全武陟人性至孝金末河朔擾攘父源母崔氏俱爲北兵所掠父病卒母被鬻不知所往全就虜而去後三年以母故祝天子身南道尋訪于祁蠡之間數月果得母所在哀號祈請主家拒而弗許全行乞于市得金若干

贖之而復爲母子者三十餘年克盡孝敬

薛維元字曼卿河東人事母孝所居化之

元

詹士龍字雲卿固始人宋都統鈞之子元兵破鄂鈞歿士龍甫三歲董忠獻公獲之以見世祖嘆曰此忠臣子也汝善養之既長知非董出晝夜痛哭他日從獵潭沱懇求復姓忠獻戲曰原欲復爾姓乎試爲投石水中浮則爾從士龍祝天曰吾父有靈石當暫浮因以石投水中沉而復浮者數四忠獻愕然曰天也遂許之

廖人俊寧都人元初父死于寇母亦被虜人俊七歲與祖母居既長誓求父骨得于叢塚間又往北方求母聞在

滄州至則已死欲負骨歸葬異父弟不許遂刻母像而還合葬焉吳澄有文記其事

王閏東平須城人事父甚孝父嘗卧疾夜失火不得出閏突入解衣蒙父抱而出之肌體灼爛父無少傷中統二年復其役

郭道鄉閩人義重五世孫至元初閩盜起與弟佐卿守孝子祠不去被執兄弟各求代死賊感而釋之子廷偉爲建寧路平準庫使辭歸侍養道鄉嘗病岫危甚廷偉憂悴扶護一夕髮盡白有司言狀旌之

周古象蘄水人元初兵虜至蘄贅蒙古氏既生子未嘗喜妻詢其故曰有母在欲得歸省妻許之且囑曰母在當

奉養勿以妾故復來及歸母尚無恙古象奉養盡孝母歿廬墓妻亦終身不嫁淮西憲僉韓克莊爲立孝里門蕭道壽興平人家貧鬻鍼自給母年八十餘奉養盡禮每旦夫婦親自盥櫛母食然後退就食母寢然後退就寢出入必告母怒欲笞之道壽自進杖伏地而受起則再拜遠教母疾割股肉啖之而愈至元八年朝命賜羊酒表其門

郭狗狗平陽翼城人父寧爲欽察先鋒使首領官成大梁平宋將史太尉來攻寧全家被俘史將殺寧狗狗年五歲告史曰勿殺我父寧殺我史驚問知其歲曰五歲兒能爲是言吾當全汝家即以騎送寧等往合州道遇國

兵騎驚散寧家俱得還事聞旌之

周良佐唐山人事親孝親歿廬墓三年至元間旌表其門  
孔全鹿邑人父成病全割股肉啖之即愈後卒居喪盡哀  
廬于墓側負土爲墳日六十肩風雨有虧俟霽則補之  
三年起墳廣一畝高三丈餘至元間詔旌其門

田改住汶上人父病不能愈禱于天去衣卧冰上一月同  
縣王住兒母病卧冰上半月

孟君用臨川人至元間兵掠臨川君用生三歲母被驅不  
知所往後求得之則已歿矣請喪歸葬不從乃號慟墓  
下得其遺衣杯棬以還而喪祭焉

甯猪狗山丹州人母七十餘患瘋疾藥餌不効猪狗割股

肉進啖遂愈歲餘復作不能行猪狗手滌溷穢護視甚

周造版輿載母夫婦共舁行園田以娛之後卒居喪盡

禮鄉里稱焉

李家奴潭州萬戶移刺瓊子也母病醫不可治割股肉和

糜以進病乃痊撫州路總管管如林渾州民朱天祥並

以母疾割股旌其家

畢也速答立迷裏氏秦州人父喪廬墓次晝夜悲號有飛

鳥翔集墳土湧起

尹慶龍中興人母喪負土爲墳結廬居其側手書孝經千

餘卷散鄉人讀之有群鳥集其塚樹

胡景清龍溪人元兵下漳南景清甫五歲隨父母逃難倉

卒失其母景清長知學每念母輒涕下一日辭其父抵幽薊覓之于燕市遇其叔胡巨川知母已至燕而未知其處踰年始得之蓋母子不相見者四十年矣事聞詔旌表之仍給驛以歸

陳譽字譽夫福清人性孝友至元中母林氏病譽割股肉療之子觀泗字友達亦篤孝父母疾俱嘗割股肉和粥以進

張鏐下蔡人事母至孝母卒居廬三年致有紅蓮變白之異郡立孝蓮坊事聞大德二年旌表

陳韶孫廣川番禺人父瀏以罪流肇州韶孫年十歲朝夕號泣願從遂與俱往道過遼陽平章塔出見而憫焉曰

吾返汝故鄉汝願之乎韶孫曰既不能以身代父當死生以之歸非所願也大德六年父死韶孫哀慟見者爲之泣下肇州萬戶以聞命遣還里仍旌異之

張子夔安西人父喪每夜半以背負土肘膝行地匍匐至葬所飾細土爲墳

李忠晉寧人幼孤事父至孝大德七年地震山移民居皆摧壓將近忠家分爲二行五十餘步復合

吳國賓雷州人父喪廬墓大德八年境內蝗害稼惟國賓田無損

章卿孫蜀人本劉氏幼爲章提刑養子與母富氏相失三十八年遍訪于江西諸郡迎歸養之旌其家

李鵬飛池州人生母姚氏為嫡母不容改嫁為朱氏妻鵬飛幼不知也年十九思慕哀痛學醫濟人祈早見母行求三歲至蘄州羅田縣得焉時朱氏家方疫鵬飛起之遂迎還養父之復歸朱氏時渡江省覲既卒歲時携子孫往祭墓終其身事聞旌其家

徹徹祖思古氏幼喪父事母篤孝稍壯母沒慟哭頓絕水漿不入口者三日既葬居喪有禮年四十餘思慕如童孩每見人父母則嗚咽流涕曰人皆有父母我獨無至大三年褒異

王初應漳州長泰人至大四年從父義士樵劉嶺山虎搏父傷右肩初應抽鑣刀刺虎鼻殺之父得生同縣施合

德泰定二年父真祐出耘為虎扼于田合德與從弟發仔持斧前殺虎父得生並旌其門

李茂太名人徙家揚州母病目失明茂禱於泰山神三年

復明每夕祝天乞損已年益母壽及期母歿哀慟幾絕

大德間揚城火燒千餘家及茂廬反風滅火事聞旌表

廉希憲字善甫布魯海牙子也至元元年丁母憂率親族

行古喪禮勺飲不入口者三日慟則嘔血不能起寢卧

草土廬于墓旁宰執以憂制未定極力起之相與詣廬

聞號哭聲竟不忍言

祖浩然字養吾建寧浦城人至元中盜黃華起政和朝廷

命將帥師往討未至盜已就縛回軍經浦城焚其廬舍

浩然母全氏遭掠而北是時浩然年六歲母子相失者  
二十八年至大三年福建閩府檄為三山書院山長將  
之任或告之曰而母在河南不能名其處浩然欣然棄  
職辭父抵河南每舍逆旅行道塗間聞操南音者必就  
與語或云此有趙副使故為軍校歸自軍中得婦人全  
氏非而母耶趙死而家替全氏歸一蒙古氏挈之而南  
當在汝鄧間耳浩然喜遂回汝州抵鷗路山不遇至牛  
蹄白石不遇至棗陽雀橋又不遇浩然夢神人顧而言  
有月缺再圓之語益喜怵自雀橋至別蓋山訪其母在  
焉抱持涕泣遂奉南歸人皆歌詩以美之會稽韓莊節  
先生性作孝子傳行于世

樊淵句容人至元中奉母避兵茅山兵至欲殺其母淵求  
以身代兵兩釋之母歿哀慕終身臺憲交薦淵不忍去  
墳墓終不起皇慶初旌其門

黃直星子人皇慶壬子母疾割股為藥疾即愈郡守立碑  
以彰其孝

賴祿孫寧化人延祐初賴寇作亂祿孫負母挈妻子入山  
寇至祿孫守母不去欲刃其母祿孫以身蔽之曰寧殺  
我無殺我母時母病渴乏水祿孫含唾哺之盜竊窺相  
顧嘆駭不忍害有掠其妻去者衆盜責曰柰何辱孝子  
婦使歸之事聞旌表

朱良吉平江常熟之支塘里民也延祐乙卯母錢氏年六



其家

續文獻通考 卷之二十二  
十餘病將死哀吉沐浴禱天以刀剖脅割取心肉一片  
煑粥以飲母食粥而病愈良吉心痛就榻不可起隣里  
憐其欲絕乃累財醮告神明陰祈佑之是日邑人俞浩  
齋聞而過其家觀良吉胸間瘡裂幾五寸氣騰出痛莫  
能言俞爲納其心以桑白皮線縫合未及期月已無恙  
陶九成曰人以父母遺體而剖心割股恐其傷生故有  
禁止之令然世降俗薄悖逆其父母者視良吉何如哉  
原其一念之純剖心之際動天地感鬼神固不待賞之  
于有司而天地神明固已陰錄其孝矣  
匡國政母病剖肝以進病愈旣而復病又剔腦和藥愈之  
及卒廬墓終喪延祐中旌表

丁文忠鄆城人業鼓冶母和氏疾與弟文孝竭力調侍母  
卒文忠廬墓側不與妻面者三年父貴又病醫不能療  
文忠造車一輛兄弟共御之載父禱于嵩山五臺泰安  
河瀆諸祠遇異僧遺藥而愈延祐七年旌之

邵敬祖宛丘人父歿廬墓母繼歿河決不克葬殯于城西  
敬祖露宿依其側風雨不去友人哀之爲縛草舍庇之  
前後居廬六年兩髀俱成濕疾至治三年旌其家  
越楓橋里人丁氏母雙目失明丁至孝每朝盥漱訖即舐  
母之目積有年矣俄而母左目明未久右目復明憲司  
上其事于朝表其閭曰孝子之門蓋至治年間也

黃覺經南城人五歲失母稍長誓天誦佛書願求母所在

乃渡江涉淮行乞而往衝風冒雨備嘗艱險三十八年得之梁縣至治中旌表其門

尹華洧川人至治初遊學于京師忽夢母疾心怪之馳歸母已亡居廬蔬食哀毀骨立每雞鳴起手治祭饌詣墓所哭奠雖風雪不廢父輔臣嘗病疫華侍湯藥衣不解帶夜則禱于天願死以代父命數日疾愈鄉里嗟異之孫希賢高唐人母病痢方書曰血溫身熱者死希賢嘗之其血溫乃號泣祈天求代母遂愈

卜勝榮高郵人母痢不能藥日嘗糞以求愈兄疾禮北辰乞減已年延之並痊

宗祀大都人年十九父內宰卒僻躄號泣絕而復生過哀

成疾卧床榻猶哭不止淚盡繼以血疾轉甚嗚其妻楊氏善守志以事繼母遂卒楊氏遺腹生一男人稱孝感泰定三年旌

高可燾有孝行文宗二年旌其門

張聚新鄉人性至孝天曆間母卒廬于墓側三年朝夕負土成墳有司以聞詔旌其門

五庸字伯常雄州歸信人母李氏疾祈北辰叩頭出血母疾遂愈及母卒哀毀幾絕露處墓前旦夕悲號一夕雷雨暴至鄉人持寢席欲蔽之見庸坐卧之地獨不沾濕嘆異而去復有蜜蜂數十房來止其家歲得蜜蠟以供祭祀

黃贊字止敬臨江人父君道延祐間求官京師留贊江南  
及長聞父娶後妻居永平乃徃省之則父沒已三年矣  
庶母聞贊來盡挾其貲更嫁拒不見贊贊號泣思得父  
柩歸殮欲庶母指示亟累糧往叩庶母復拒之三日不  
納庶母弟憐之與偕至永平屬縣樂亭求父墓又弗得  
贊哭禱于神夢老父以杖指葬處曰見片磚即可得明  
日就其地求之庶母之弟曰真是已殮時有某物可驗  
啓朽棺得父骨以歸

何從義延安洛川人祖良祖母李氏偕亡從義廬墓側旦  
夕哀慕不脫經帶不食菜果事父世榮母王氏孝養尤  
至伯祖溫叔祖恭讓叔父玠皆無子咸爲治葬築高墳

祭奠以禮人義之

哈都赤大都固安州人母疾不痊礪所佩小刀割開左臂  
取肉一片進母母曰此何肉其甘如是數日病痊

高必達建昌人五歲時父明大棄家遠遊莫知所適必達  
旣長晝夜哀慕乃娶妻養母而身徃四方求其父十餘  
年不得心愈悲忽傳黃州全真道院有虛明子學道三  
十年矣本建昌人姓高氏必達詢知爲父即徃叩頭不  
已虛明瞑坐不顧久之斥曰我非汝父汝亟去必達留  
侍左右不少懈辭氣哀惻其徒謂虛明曰師有子如此  
可勿歸乎不得已還家必達孝養篤至鄉里稱之

魯德漁陽人曾子裔也母早亡父仲祥再繼左氏樂襄陽

風土同往居焉亂兵陷襄陽遂失左氏德遍求五年得于廣海間迎歸孝養備至詔旌其門

靳昂字克昌曲沃人兄榮爲奎章學士奉母王氏官于朝母歿昂與兄榮護喪還家至平定大雷雨流水驟至昂伏柩上榮呼之避水昂不忍舍遂爲水漂沒後得王氏柩于三里外得昂屍于五里外詔賜孝子碑

張恭偃師人以兵部符署鷹房府案牘親老辭歸侍養父喪過哀奉母馮氏尤謹歲凶恭夫婦採野蔬爲食而營奉甘旨無乏母病恭手除溷穢喂哺飲食且嘗糞驗疾勢天曆初西兵至河南居民悉竄恭視母病項中一劍不去母驚悸而歿恭居喪盡禮人稱孝焉詔旌其門

孫瑾丹徒人父喪哀毀踰禮葬時載柩渡江潮波方湧俄順風張帆如履平地繼母唐氏患癰親吮之又喪目眚之復明唐氏卒十日將葬天雨不止瑾號天乞霽至期開明甫掩壙復兩詔旌其孝

吳希魯睢寧人父卒葬之日大雨希魯跪柩前炷艾燃腕火熾雨止旣葬廬墓左詔旌之

龐遵永年人文宗至順間母病腫三年不能起忽思食鯉魚遵求於市不得求漁者又不得歸塗嘆恨忽有鯉躍入其舟遵作羹以獻母病即瘥

鮑壽孫歙人至元丙子盜起與父皆被獲父子爭相代死賊哀之忽大風起叢林間賊疑兵至駭散父子俱免人

稱為慈孝

繆倫字叔彝東平人侍父宦遊寓居錢塘至正十六年淮兵寇城執其父將殺之倫哀號乞免弗聽傾家貲以贖又弗聽乃自縛請代于是殺倫而釋其父

陳道邵武人至正七年群虎晝傷人一日道父樵為虎所噬道以柴擔奮前縱擊虎舍其父遂噬道啖盡鄉人為殮其父屍葬之

張紹祖潁川人以孝聞至正中奉父避兵山間賊至將殺其父紹祖泣曰吾父行善請即殺我以代父且君等非父母所生乎何忍害人父賊以戈擊之戈隨挫因相謂曰此真孝子也釋之

史彥斌邳州人有孝行至正十四年河溢金鄉魚臺水漂母柩彥斌縛草為人置水中仰天呼曰假此靈芻指示母棺經十餘日果得于桑林中復葬之

李明德上高人孝行純篤至正中兵陷泰州因掠上高劫其父欲殺之明德泣告曰子豈不能代父乎兵遂殺明德免其父

張琦岳州臨湘人生二歲而母劉氏遭亂陷于兵琦思母不置嘆曰人皆有母我獨無輒泣下及冠請于父往求其母數歲不得後得于池州之貴池迎以歸養其後十五年而父歿又三年而母歿終喪猶蔬食表門曰孝義姜蕪嚴州淳安人幼孤與二兄養母至孝母死哀慕幾絕

既葬獨居墓下朝夕哭奠荒山中躬自樵爨蔬食飲水  
一衰麻寒暑不易同里陳氏戴氏子不能事其父母感  
兼行慙悔皆迎養焉

劉思敬延安宜君人孝養繼母沙氏杜氏無異已母父年  
八十兩目俱喪亂兵剽掠負父避岩穴中有兵至欲殺  
思敬思敬泣言曰父老矣又無目我死不足惜使我父  
何俛乎兵憐其孝父子皆免于難

朱仁靖安人至正間母劉氏病篤割肝取股救母得活立  
旌孝坊表之

過宗一海鹽人早喪父獨與母居至正間張士誠陷姑蘇  
畧地至海上宗一負母逃與寇遇欲殺之以身蔽母中  
數鎗賊舍而去既返益困傭以給食母卒六年不克葬  
寢苫服衰蔬食不變語輒泣下白燕巢其室東西相向  
及焚燕不復至

呂祐晉江人至正末郡城破有卒拔刃脅其母索財不得  
欲斫其母祐奪其刃手指盡裂仆地良久而甦開目視  
之曰母幸無恙我死無憾遂瞑目死

秦十一輝縣人早孤養母劉氏元末兵至母目失明十一  
負母携妻子避兵于山時子方三歲母得食嘗哺之十  
一謀于妻曰今兵荒缺食母餐不飽莫若棄其兒幸得  
母全兒不足惜妻從之遂棄兒負母避處險阻採食爲  
養事定乃歸

孫抑字希武晉寧洪洞縣人有孝性關保之變有亂兵剽掠拔白刃嚇抑母求財不得舉刃欲斫之抑亟以身蔽母請代受斫母乃得免父爲所虜不知所向或語之曰被驅而東矣東軍得所掠民皆殺之汝慎無就死抑曰吾可畏死而棄吾父乎遂往出入死地屢瀕危殆卒得父以歸

石永壽新昌人性淳厚事親至孝元末兵亂其父謙孫年老被執兵欲殺之永壽亟抱父請代兵遂殺永壽其父獲免鄉人哀之

趙應祥廬陵人性至孝年十四其父行賈不還年二十六因從父從北來知父已死而不知其處日夜哀號跣辭

母往求聞都下有曾老者與父善走數千里詢之知死濱州利津縣又走利津得朱琪張文者言若父吾所葬棺具有題識在城南門外第歲久墓塚纍纍不可辨識矣應祥行哭七日求不得即解髮繫馬鞍祝曰隨馬所之過吾父墳者當髮解鞍墮旣經一墳髮解鞍墮發之棺上具有父姓名遂獲歸骨人以爲孝感

周樂溫州瑞安人父日成海賊據溫州拘日成置海舟上樂隨往事其父甚謹一日賊酋沉日成於水樂哭請曰有祖母幸留父侍養願以身代父死不聽樂抱父不捨遂同死焉

郭通徐州人少以孝稱父柩在殯隣火延及通舍通仰天

訴曰柩不能移寧與柩俱焚死伏柩痛哭火須臾遂息  
僕文質字孟彬十歲割股以療母疾

黃一清休寧人少孤吳氏守節卧病醫欲得蜜乃夜乞諸  
隣遇虎一清號曰死不足惜如母何虎熟視而去人謂  
孝感之應

楊明性至孝父秀病適隆冬明冒雪跪行禱祝神水飲之  
病愈母張氏卒廬于墓側鄉黨稱其孝

楊皞扶風人父清母牛氏嘗病劇皞叩天求代遂痊如是  
者再牛氏歿哀毀特甚葬之日大雨獨皞墓前後數百  
步密雲蔽之既葬廬墓負土為墳蔬食飲水終其喪父  
卒亦如之

趙榮扶風人母強氏有疾割股肉啖者三後卒痛哭不食  
三日方飲水七月乃食粥葬之日白雲蔽其墓前後十  
五里負土成墳廬其側終喪

王克已延安中部人父伯通歿克已負土築墳廬于墓側  
貊高縱兵暴掠民皆逃竄克已獨守墓不去家人呼之  
避兵克已曰吾誓守墓三年以報吾親雖死不可棄也  
俄而兵至見其身衣衰經形容憔悴曰此孝子也遂不  
忍害

張茂濱州人母王氏病不愈剖右脅出肝假湯餌以進病  
即愈人以爲孝感

鮑興字雄飛鄒平人事父母孝母疾罄資求醫母喪三年



不入私室復慮父缺侍置大樓舡共載隨遇爲家浮游  
江河以娛其志

張緝字士明膠州人性篤孝後遭賊突入卧內欲刃其母  
緝以身蔽中脇下三日而死

陶忱仲台之臨海人少失母繼母弗之愛及長娶吳氏繼  
母不能容乃出居外後父年老家又貴迎父繼母養之  
更爲繼母弟娶婦嫁其妹子凱亦有孝友之行

祝大朋字公亮麗水人事母呂氏孝母卒刻木爲像事之  
如平生

白珽樵李人性至孝嘗患奇病刲股和藥而進病遂愈  
董茂春莊愍之子事母至孝飲食寒燠未嘗一日少離母

疾輒顛天願以身代

趙和母遭兵被虜年十四思之不寘顛天至遼東尋獲母  
悲得者留不遣和具奏乃得與母俱還

林逸字國安自號愚愚龍溪人早喪父獨奉母以居一兄  
贅居桐城逸欲貽書請其兄及嫂氏同居以養母妻楊  
氏不聽乃自搥以感動之甚至對案不食者累日楊氏  
化而順從父兄嫂歸逸事之甚謹私房不蓄一錢

陶煜字明元用道家法事玄武神甚謹母病心痛歲瀕死  
者六七發醫莫能愈明元每插心嚼舌以代母痛一日  
危甚計無所出走禱玄武前曰刲股割肝非先王禮在  
法當禁其非不知也今事急矣敢犯死取一瘳爲湯劑

神爾有靈病庶其瘳禱畢引刀欲下忽有二童自外躍入叱曰毋自損我天醫也明元大駭伏地乞哀童子取案上筆書數字于几面擲筆二童子咸仆地隨呼家人救之喫以水良久蘇乃鄰家兒叩之無所知視其書藥方也隨讀隨隱明元私喜曰此必玄武神也吾母其瘳矣即如方治之藥甫及口而痛以失終母身不再舉

張旺舅霍丘人幼失父母陳氏居貧守志旺舅九歲賣錫以養及長母病醫藥無資惟日夜哭痛祈天求代未幾遂愈又自以生業微不能多給遂不娶以終母年縣令言于朝旌之

郭回邵武人性至孝家貧竭力養親母年九十八卒傭身以葬每旦詣墓哭祭如是者十有四年守臣以聞詔旌異之

楊惠父早卒事母劉氏盡孝母疾求以身代母忽夢神告之曰爾疾當終爲爾子誠孝所感今特延之疾果瘳母歿廬墓哀毀喪明有司以聞旌表其門仍蠲其徭役吳大中天性孝敬父七十二寢疾衣不解帶父歿泣血幾絕旣葬奉母陳氏廬于墓側十有七年母年踰九十而卒居喪哀痛逾昔有司以孝聞上旌其門曰吳氏孝子袁知周泰州人父敬夫蓋丁爲總催虐死知周誓復仇寢苦枕塊陰佩刀伺間者六年後仇爲他人所殺乃以刀棄之郊事聞詔旌之

李仲叔新淦人幼孤事二母俱孝一日母病思橘仲叔求橘以食之遺核床下生而漸長仲叔撤屋成之有司以其事聞召爲贛州巡檢

趙孟玖母徐氏病割股和藥以進病愈旌表其門曰篤孝劉從竹字友直福清人事母孝母終廬于墓俄所居門楣及墓前之石皆有芝產

李奉先葉縣人性至孝父卒旣葬竊自嘆曰奉先兒時父嘗戒家人兒幼勿令獨入林野恐其驚恐今親歿一旦棄于林野安所忍乎乃結庵于墓側晝夜臨哭其中植楸數百株時呼爲孝子林

劉源中牟人母吳氏年七十餘病甚不能行適兵火起且延其家隣里俱逃源力不能救乃呼天號泣趨入抱母爲火所焚而死

梁琮安陽人父卒廬墓負土爲墳朝饘暮粥若將終身從子鐸父喪廬墓與弟五人同居無間言時同邑趙信皇甫達皆以孝聞居喪廬墓達念母老無棺一日大雨漂巨木至門視之良材也後遂取以殮母云

顏應祐同安人母許氏先以患難遷徙失所之母子不相知者二十六年應祐訪求不得常悲號流涕一日得書知在滇南即往求之果得母遠迎以歸士君子咸歌詩以嘉其孝

彭季世江州人爲義門陳氏之傭父喪明已久有子一人

嘗聞陳之子弟言舜爲父瞽瞍舐目而致明乃歸効之  
不旬日父目忽然明朗

杜祐下邳人爲河南水馬站提領父病於家祐忽心驚流  
汗即棄職歸父病始三日遂禱求代且嘗糞以驗病父  
卒廬墓有馴兔之瑞

郭全遼陽人幼喪母哀戚如成人及壯父庭玉又卒居廬  
三載啜粥面墨事繼母唐古氏甚孝唐古氏生四子皆  
幼全躬耕以養旣長娶婦各求分財全不能止凡田廬  
器物悉取朽弊者奉唐古氏甘旨無乏唐古氏卒全年  
六十餘哀毀廬墓終喪被旌

王薦福寧人性孝而好義父嘗病甚薦夜禱於天頃減已

年益父壽父絕而復甦告其友曰適有神人黃衣帕首  
恍惚語我曰汝子孝上帝命錫汝十齡病遽愈母沈氏  
病渴語薦曰得瓜以啖渴可止時冬月求之不得行至  
深奧頓值雪避樹下忽見巖石間青蔓離披有二瓜焉  
因摘歸奉母母渴頓止

季原禮性最孝親終廬墓不食鹽醬其子立與曾孫廷春  
居父母喪並如之立飭母瞽目復明人謂一門純孝  
楊汝義昆明人仕爲騰衝府同知事親至孝親歿負土成  
墳詔旌其門

馬伯傑山東鄒縣人父拜江南行臺監察御史不以家行  
傑獨與母居盜起汝穎轉畧齊魯境傑負母匿草間母

死倉卒不能具棺殮聚石葬鄆城西盜入鄆城傑伏于墓上衆欲驅而前脅以白刃傑大慟曰母在此母在此盜曰此孝子也乃舍之復送以衣糧旣而邑剝于兵失墓所在求之二年得于榛莽中故衣尚存始克遷柩祖塋御史轉浙西憲僉留江南者八年遂冒鋒鏑間關數千里省之錢塘人咸稱爲馬孝子云

石明三餘姚人家貧喪父獨與母居山中一日明三自外歸覓母不見見壁穿而卧內有三虎子知母爲虎所害乃盡殺虎子礪巨斧伺母虎至斫其腦裂而死復往巖石斫殺牡虎明三亦立死不仆張目如生所執斧牢不可拔

祀公榮字大昌麗水人養親甚孝母歿居喪盡禮家人失火公榮力不能救乃伏棺悲哭其火自滅鄉里異之塑二親像於堂朝夕事之如生焉

陸思孝山陰樵者性至孝母老病痢醫禱久不効思孝方欲割股肉爲糜以進忽夢寐間恍若有神人者授以方藥思孝得而異之即以奉母其疾遂愈

夏永慶字章甫定海人大德中侍父文德轉粟京師浮海而北舟抵海洋鎮時易一小舟盤載喧呼雜揉文德顛仆溺水永慶震駭號天沒入洪濤載父出波面柁工提戟鉤其衣父賴不死永慶力不支竟沉其後諸弟傷之皆以孝義維其家居同室食同爨至正十三年表曰孝

義之門

馬英河內人性孝友父喪哀毀二兄繼沒獨事母并奉二寡嫂與居比母喪卜地葬諸喪親負土爲四墳手植松栢廬于墓側終其身

武德政真定人事母蘇氏至孝母死時天大旱方掘地求水忽二蛇躍出一東一西隨其地掘之果得泉事聞旌復其家

唐轅唐轂鄞人父復禮以擅匿官醴事被陷且拘以歸于京轅詣吏代父命不省乃叩頭流血繼之以死吏憫其情脫父桎而梏之行至越州時轂自杭回遇諸途挽轅衣袂哭曰兄爲冢子宗祀所托不可以死弟請代兄行

轅不從轂給之曰兄訥于言往必不免弟有一計可生幸無苦竟奪其械加已手吏亦閱而從之轂抵京係獄旬日迎臣奏其非罪得免

馬安父喪膝行負土成墳廬于側號泣三年有司以聞旌表其門

杜世壽母劉氏病篤剖股煮粥以進母病遂愈事聞詔旌其門曰純孝

段德隆寧晉人事父母孝母歿廬墓二千石聞于朝命復其家

王忠三原長孫里人能盡孝道值母有疾欲爲之娶忠曰吾母疾安忍爲此後母卒廬墓日夜號哭蔬食飲水人

所不堪有司奏旌其門

許敬觀明州衛兵事母至孝一日拉十兵駕舟販鹽至郡江北渡忽暴風電掣霹靂擊舟人上泥塗衆皆震死時敬觀昏絕默念我死母將誰依如有人援之去死所三丈許而甦雷火燎髮如禿人以爲孝行之報

鄭覺民字以道鄞人母嘗患目日以舌舐之即愈後病痲衣不解帶父當葬適病痞甚劇人止其臨壙泣曰幸從先人訖大事即道死無憾旣還而瘥

葉志道德興人事母至孝母歿廬墓側有馴虎烏巢之異事聞旌表其門

段文瑞雲南河陽人讀書奉母盡孝母卒以手履地行一

里外送母喪事聞旌表曰孝義之門

湯景新建人早孤事母孝母病熱思水時天燠霖累日號泣地上忽聞池中潺潺聲視之乃水也取以奉母遂愈郡守以聞嘉其孝行授臨江路儒學教授

王士弘中部縣人父搏有疾傾家資求醫即拜徧禱諸神叩額成瘡父歿哀毀廬墓三年有奇鵲來巢飛鳥翔集之異終喪復建祠于室朔望必往奠祭風雨不廢事聞旌表其閭

劉通亳州譙人家貧業農母卜氏目失明通誓斷酒肉祈禱三十年不懈卜氏年八十五目復明事聞褒美之

黃道賢字君典晉江人事母唐氏以孝行稱有司聞于朝

榜其門曰旌孝坊

胡光遠太平人母喪廬墓一夕夢母欲食魚晨起號天將求魚以祭忽見生魚五尾列墓前俱有齧痕隣里驚異聚觀有獺出池草中浮水去衆知獺所獻狀聞表其間胡伴侶密縣人其父實嘗患心疾數月幾死更數醫俱莫能療侶乃齋沐焚香泣告于天以所佩小刀于右脇旁割其皮膚割脂一片煎藥以進父疾遂瘳其傷亦旋愈朝廷旌其門

陳乞兒夏邑人年九歲喪母哀毀負土爲墳高一丈廣十六步人憫其幼欲助之乞兒泣拜而辭有司以聞特表異之

馬仲弼安陽人性至孝每定省必得親悅方休父母卒結廬墓側詔旌其家

王應新鄉人幼孤事母克孝母病慶禱于天地願以身代母病遂愈朝夕奉甘旨二十餘年未嘗少怠鄉里化之有司以聞詔蠲其家

徐丙瑞安人幼喪母泣血成疾父亡不忍葬結廬古山下殯其中閉戶守視有牧童遺火延殯廬丙與子慈亟撲不止欲投身火中與樞俱焚俄暴雨火滅

耿昌獲嘉人少有志家貧養親竭力以供甘旨父亡廬于墓側三年有司以聞旌表其門

李全獲嘉人王節婦之子年十歲喪父家貧甚躬耕以養



母者四十年一日母疾藥不可療全額天祈以身代割  
股作羹以啖母母尋愈後母卒全哀毀骨立廬墓三年  
總管奏聞詔旌其門閭

戚敬嘉興人事母至孝居喪哀毀過禮既葬廬墓有白芝  
之瑞又以木刻母像事之如生邦人稱之

蕭翊字公遜武陟人父母相繼而卒先後皆廬于墓側哀  
慟無已凡二年竟以羸憊而卒部使者上其事特加旌  
表

王思聰延安塞人素力田農隙則教諸生得束修以養親  
母喪盡哀事繼母如所生以家多幼穉侵父食別築室  
曰養老室奉之朝夕定省愈久不怠父嘗病劇思聰拜

祈於天額膝皆成瘡得神泉飲之愈後復失明思聰舐  
之即能視縣上狀命表異之

徐鈺鎮江人始冠侍父鎮將之婺源父失足墮水中鈺投  
溪擁鎮出鈺力困憊遂溺死江浙行省言狀詔旌異之  
趙天爵字伯蔗平陽解州夏縣人母喪廬墓三年父繼喪  
又如之惟蔬食菜羹不飲酒食肉不與妻妾見有司聞  
于朝旌表門閭復其身

陳汝楫字傳巖象山人父宋助教應魁母楊氏汝楫事親  
至孝親沒未葬隣家失火延及楫室楫與妻徐氏伏柩  
哀慟誓不獨存風反火息柩獲存人以爲孝感

華昭鄞人生未晬父亡母沈氏家貧不能自存父母欲奪

其志誓死不從後疾亟昭尚幼刻意茹素禱之弗痊乃  
露禱于天剖左股作糜以進母愈至正十年尹許廣大  
書節孝字表其門

臨江劉良臣

汴梁陳善

同官強安

瀋州高守質

安豐高澤

鞏昌王欽

修武員思忠

榆縣王士寧

河南朱友諒

泉州葉森

寧陵呂德

汲縣劉洪

建昌鄭佛生

棠邑張復亨

保定邢政

寧夏趙那海

臨潼任居敬

隴西周慶徐德興

真定張慶

汝慶李從善

華州要敬

色目氏沙的

晉江黃道賢

樂安許正臣

安平李思敬

羅田吳大中

以上皆事親篤孝實跡未詳者

太原王構

萊州任梓

平灤王振

北京張洪範

登封王佐

下蔡許從政

富平王賈僧

鄭州段好仁趙壁薛明善張齊

汴梁韓榮劉斌張裕何泰史恪高成鄧孝祖李文淵杜天

麟張顯祖

涇陽張國祥

延安王旻

東昌張暈

永平梁訥

高堂鄭榮劉居敬

同州趙良

南陽周郁陳仁劉權李廷瑞怯烈友

大同高著

江都毛翔

汲縣徐昌祖

歸德葛祥張德成張遜王珪劉弼

真定宋貞王世賢

晉寧史貴

保定耿德溫張行一賈秉實張勗

河南王宗道孫裔

夾谷天祐

趙州趙德隆

安豐王德新石思讓

翼寧王溥

大都王麟李簡

華陰李寧屈秀

懷慶侯榮丁用郭天一

耀州王思

中牟闞讓

曹州鄧淵呂政

徐州胡居仁張允中

衛輝王慶

福建朱虞龍

隨州高可燾

濟寧魏鐸

武康王子中

溫縣趙成

峨眉鄭國安

息州移刺伯顏

淮安穆謨

汶上趙恒

涇城許時中

衡山歐陽誠復

江陵穆堅

薊州王欽

定陶元顯祖

絳州姚好智

宿州孫克忠

集慶傅霖

濟南宋懷忠年克孝

汝寧張都

泉州黃道賢

谷城王福

解州靖與魯張琛

般陽戴貞

兗州王治

沔陽徐勝祖

興中石秣昌齡

峽州秦桂華

莘縣王德新

蒙古色目氏納魯赤丁思馬改住阿合馬拜住木八刺王

帖木兒瑣住唐兀及晏只哥李朶羅及塔塔思及

以上皆居喪廬墓嘗表其閭或復其家

孝釋附

道丕性至孝遭時擾亂自擔負其母避於華陰山中自乞

食以為養其父亦以行役歿於事道丕往其死處求遺

骨亂骸莫辨道丕泣禱忽有髑髏躍而前因得父骨以

歸人皆謂孝感

張策後梁時少為僧居雍之慈恩精廬廣明末盜犯闕策

遂反初服奉父母逃難及丁父艱以孝聞太祖聞而嘉

之奏為鄭滑支使

應天寺僧失其名幼貧無以養母剃髮乞食以給母年一

百五歲而終

紹清禪師居潭州興化寺乃南嶽下十二世法嗣也常爲母說法以報劬勞

皇明

宗室通山王華侯父故哭臨至死萬曆中巡撫郭惟賢奏其孝行 恩賜表揚扁名旌孝

原武王朝倫係 周府下郡王萬曆二十六年以禮部覆請旌獎孝行

古朴國子生洪武丁卯春三月除爲兵部主事先是朴奏言家貧母老願仕異祿養母 太祖嘉其志遂除是職朴得迎養京師

陳興故元鎮撫洪武三年庚戌放歸嵩州養母仍賜白金衣帽先是 上遊後苑偶見巢鵲卵翼之勞嘆曰禽鳥劬勞若是况人母子之情乎下令群臣有親老願歸養者聽適興被俘來京因奏云有母在嵩州年八十餘乞歸養 上即許之興陛辭 上顧謂侍臣曰陳興雖武夫聞朕言即愴然朕始不知其有母若知之肯令其離遠耶侍臣曰 陛下以孝治天下無微不燭 上曰人情莫不愛其親必使之得盡其孝一人孝而衆人皆趨於孝此風化之本也故聖王之於天下必本人情而爲治

江伯兒洪武時母疾割脇肉以食不愈禱於岱嶽願母病

愈則殺子以祭已而母愈遂殺其三歲子祭事聞 太祖怒曰父子天倫至重禮父爲長子三年服今百姓乃手殺其子絕滅倫理宜亟捕治之遂逮伯兒杖一百謫戍海南 命禮部詳議旌表孝行事例禮部議子之事親居則致其敬養則致其樂有疾則拜托良醫常進善藥至於呼天禱神此懇切之至情人子之心不容已者若卧冰割股前古所無事出後世亦是間見割肝之舉殘害爲最且如父母止有一子割股割肝或至喪生卧冰或至凍死使父母無依宗祀乏生豈不反爲大不孝乎原其所自愚昧之徒一時激發反務爲詭異之行以驚俗駭世希求旌表規避徭役割股不已至於割肝割

肝不已至於殺子遺道傷生莫此爲甚自今人子遇父母病醫治弗愈無所控訴不得已而卧冰割股亦聽其爲惟不在於旌表之例從之

北直隸

崔克昇內黃人幼以孝聞父遺疾醫弗能療昇取父大小便嘗之以審輕重卒治得瘳父年九十九卒昇跣足負土築墳廬墓三年有司上其事詔旌表

甘澤開州人與弟潤俱以純孝稱歷官御史廣西副使旣謫滁州 天順初召還至張秋聞父喪徒跣三百餘里歸葬廬墓旦暮泣奠盡哀有鬼蛇馴擾墓傍弟潤事母亦篤孝俱詔旌表

侯英開州人與弟仇俱篤孝母病眼疾憂泣輟食每夜稽首祈祐疾竟愈歷官江西按察使聞訃奔還偕弟廬于墓有白鷺數千遶墓事聞旌表仕終河南都憲

王魯東明人性孝友補邑庠生居喪執禮廬墓三年致平地湧泉事聞 詔旌表弘治壬子鄉薦歷官監察御史

浙江僉事

李得成涑水人母張氏避兵度不能脫自投于河後得成寤母在河水下卧水七日致河水俱釋洪武中以孝廉舉授光祿寺署丞遷尚寶司丞永樂間歷陞陝西右布政使

顧仲禮保定人幼孤事母至孝遇歲凶負母就養他郡七年始歸見蝗起食其田苗仲禮泣曰吾將何以爲養乎

俄疾風蝗盡去苗得不傷母卒廬墓三年哀慟如初喪洪武中事聞旌其門

邊靖慶都人由太學生爲廣寧經歷自幼以孝聞父友諒卒靖哀慟幾絕及葬負土成墓廬于側環植以楸歲旱不雨靖旦暮汲水灌之俄有泉湧出道傍足以灌漑人以爲孝感所致事聞 詔旌其門

史五常內黃人父萱洪武中任廣東按察司僉事卒於官五常始七歲母以幼子且無資不能歸葬遂即和光寺僧地權厝之携五常北返嘗諭之曰汝父棺中有大錢可驗待汝長成時尋骨歸葬則汝可報父恩而我亦盡

婦道矣後母歿五常年五十乃入廣求之既至不得旦  
夕泣告於天里人哀之有為進食者數日憲慕張珪知  
之為白于臺馳簡巡司李斌多方物色果識其處啟之  
遺骸大錢猶在五常以禮歛襯當道為給舟車路費歸  
葬五常仍廬墓側居三年正統間有司列狀聞 詔表  
其門

楊騰松北直隸遷安人以孝行隆慶四年旌

郝烈邯鄲人萬曆二十六年以子戶部主事郝大猷奏父  
烈孝行旌表如例

南直隸

范從文吳人仲淹之十三世孫文之六世祖柔食邑於崑

父為吏潮州卒不能歸從文尚幼遂奔走求喪哀感道  
路初失所在偶遇天雨土墮乃露父柩遂故之以歸人  
謂孝感所致洪武中以孝廉徵奉使不辱命擢御史改  
綜戶曹事奏貸株送徒百餘人其僚嫉之中以法將伏  
鎖呼曰幸以議賢得百世宥 上問而知為仲淹後乃  
免之謫在浪項復追戍金齒永樂初復以薦召為掌故  
歸年八十餘乃卒所論著甚衆

曹閔上海人舉進士授沙縣知縣性至孝正德初為南臺  
御史上疏極論宦官竊弄下錦衣獄杖幾死瑾誅復官  
即引退養母十年母終枕塊得寒疾卒

錢敏舒城人幼喪父家貧力學事母至孝及中進士乞還



鄉侍母母患瘡侍湯藥不離側母歿廬墓 詔旌表  
高興合肥人性至孝父歿哀毀骨立廬墓三年歸有白鵲  
數百隨集于宅人以為孝感事聞旌表

權謹徐州人十歲喪父哀毀幾絕洪武中以薦知樂安縣  
陞光祿署丞迎母祿養母疾籲天求以身代母年九十  
卒躬負土成墳廬墓三年哭泣不輟事聞 召拜文  
華殿大學士固辭 朝廷不允欲以風勵天下之為人  
子者尋改通政司叅議致仕仍旌其門曰孝行  
王忠武進人洪武初父友諒以輸稅後期法當死忠時年  
十七即自詣京懇請代父比至會赦得免人以孝稱宣  
德中以國子生除兵部主事竟以母老乞致仕

用嘉其人篤孝淳德無慙古人生一月失父四歲  
記四言十歲通孝經論孟疏議成童人便師之教授甚  
廣嘗割股愈母疾有司欲上其事瓊曰民為此以母疾  
迫切何上為君侯或以風教為務彰表母節則大願耳  
守令從之得旌其門每遇 詔求賢輒辭公薦居樂園  
里號東原生晚得鹿冠又云鹿冠道人為文辭取違意  
不務纖麗有東原集紀善錄耕餘錄書體適婉丹青遠  
澹暮歲標致益高年八十餘卒門人私謚淵孝先生  
朱顥字景南長洲人父病不飲不葷不內處不解冠服蟻  
蝨滿篔積問卜迎醫俵俵奔市中若狂及死廬墓終喪  
甲午下 詔旌之

金子安上海人事母孝母疾甚禱神願以身代母忽甦曰  
神語我加壽三十四天後母歿月數如之人以為孝感  
高承順華亭人性至孝母亡哀毀過禮父常疾劇且舟厄  
於風順哀禱獲免嘉靖壬子父遇倭迫之以兵順延頸  
請代後兩釋之子振聲亦有至性人稱為兩世孝子  
馮行可華亭人父恩御史直言詔獄行可年十四刺血上  
疏請代世廟感動改戍尋登鄉薦隆慶詔旌廬仕佐  
南京兆為庶吏致仕後屢薦不出萬曆特恩再進階級  
楊應祈華亭人父給事中允繩建言死于朝祈刺血上  
書以幽卒後子舉人忠裕奏聞萬曆二十三年與妻  
節婦袁氏同旌豎坊

浙江

崔永海塩人七歲喪父母韓氏從繼父謫海南後永徒步  
至瓊州求母時繼父已歿有司以配屬不許歸永復號  
泣請于朝許之舟行遇風永入水負母因感疾卒江  
西布政司以聞為之祭葬仍給驛舟歸其母永往返數  
四廣海間人以崔孝子稱之

王紳禧仲子性至孝痛父死節遂匍匐往雲南求遺骸既  
至不可得乃即其處製神主號慟幾絕洪武末以文行  
薦授國子博士著繼志齋集二十卷

徐允讓山陰人元末兵亂允讓奉其父安避山谷間遇寇  
斫安傷頸讓大呼曰汝寧殺我勿殺吾父寇捨安殺讓

陳圭字錫玄台州黃巖人其父叔弘與其鄉人多雙言圭常諫之後其讐人以賊告叔弘罪當死圭以狀告於通政司曰圭爲子不能諫其父以陷於不義得罪死此圭之不孝所致義當死乞罪圭原圭父使得自新誠不勝至願通政司以聞 上大喜曰不意今日乃復有孝子宜赦其死俟天下百官朝覲將播告之爲天下勸頃之刑部尚書開濟奏曰罪有常刑不宜屈法以開僥倖之路請論如法遂聽圭代父死而謫其父叔弘隸兵雲南聞者皆嘆圭之孝而惜其死

朱煦台州仙居人家世儒者母楊氏性嚴急煦事之盡恭順之道其伯父二人長季敬次季誠俱有令望嘗稱之

曰是姪猶吾子也其父季用由薦知福州府洪武十八年 詔天下盡革今歲以上有司積歲官吏爲民害者季用視事僅五月以例起入京吏一以法論罪作城湏役嚴償重日用錢數十緡季用又病謂煦曰吾貲力豈足堪此吾旦夕死矣汝勿深憂但收吾骸歸葬耳煦惶懼不敢離左右復戒二弟熊正共守不敢少窺用由是不得死時役告枉者甚衆令益嚴告而謫隸兵雲南者二人被極刑者四人煦不顧死而陰與父僚友同役者謀曰吾無術脫吾父矣訴不訴皆死萬一吾父由訴獲免雖戮死萬萬無憾遂具辭通政司以聞 上憫其情遂赦季用而復其官同時以煦告得免復官者十四人

皆拜煦父謝曰微君有孝子吾儕骨肉為城下土矣

江西

陳仲賢武寧人母病割股以食母尋愈末樂初以事聞擢

鴻臚署丞旌表其門

喻德昭臨川人洪武初父以戶無田移種鳳陽昭六歲育

于所親年十四知之詣鳳陽尋弗得間關十年得見于

漢中屯所而母已歿乃扶父歸病卒廬于墓哀慟過禮

竟死墓傍

于顯德新塗人六歲喪父踰年知求父像時拜且哭家貧

事母能盡養及卒水漿不入口者數日比葬廬墓所虎

馴其側人咸異之正德三年奉 詔旌表

傅興高安人性至孝父疾感夢百里外徒跣求醫得撫州

絕嶺古井水調藥愈祖母曹氏孀居為華林賊所掠欲

殺之興渡水以救賊以巨撓壓之撓忽斷賊驚異釋之

事聞 詔冠帶表其門

謝麟高安人應例監生正德初華林賊劫其家麟負母以

避賊追尋益近家人逐之走麟曰母在安可棄去既而

賊劫其母麟奮力奪之母獲免麟竟死於賊

唐孝子名治始江西之清江人僑居華亭之圍江孝子起

家功曹掾而實儒行孝謹守禮言動退讓人稱諱秀才

父尚儒亦以德稱九十卒孝子苦塊未除而隣家火起

早父火勢昌熾孝子盡出資裝募人出其父柩而人心

駭亂無應者或挽孝子出曰父柩在此我死不出火息  
後所居歸然獨存孝子竟以薰灸伏棺死柩上皆成血  
掌痕事聞有司為旌門曰孝子婦桂氏鞠四孤之屏等  
而食貧辟纏不忘訓迪

王溥貴溪人父名晉母葉氏生溥及弟漢二陳友諒據江  
西以漢二任宣慰溥守建昌至正辛丑漢二為胡大海  
所獲太祖破江州溥亦自建昌來降拜中書右丞仍  
鎮建昌初溥父早世兄弟二人奉其母避兵貴溪之桃  
源山倉卒兵至母子相失溥日夜思母不置及洪武庚  
戌春正月忽夢母告以所在因命卜者筮之其繇辭曰  
非巖即穴朽骨是藏溥以情告于太祖惻然聽之

初溥祭物以歸溥既至遂躬率士卒詣母舊時避兵處  
代木入山以物色之不得哀號者三日既乃得其居人  
吳海能告以賊兵逼時夫人病不能行即自投井中死  
矣溥披榛棘尋獲其井俄有一鼠自井中跳入溥懷旋  
復入井溥汲井索之遂得其骸仍具衣衾棺槨即其地  
葬之

羅瑋字宗器江西吉水人其先曰復仁國初以弘文館  
學士從太祖定天下後辭封爵太祖嘉之賜歸田  
里其孫汝敬登永樂甲申進士歷官工部侍郎瑋即其  
孫也自幼友愛敬長尤善屬文以廕補太學生授四川  
布政司經歷屢遷常州府同知所至清慎有善政居母

喪廬墓螺子山下三年嘗隨一白犬主哀亦哀主息亦  
息山故無虎至是一虎渡江周旋瑩次狎犬為侶瑞偶  
以疾卧其杖竹倚壁生枝葉一白鴉為鳩鳴久而不去  
當是時墳生芝荷華生於原徐太史舜和為叙其事薦  
紳多為詩以詠之後邵寶視學江西為立傳且述其忠  
信博雅云

山西

王約猗氏人父早喪母遺風疾不能動約朝夕扶持躬侍  
湯藥母亡廬墓不御酒肉正統初旌為孝子  
焦鑑大同人父喪廬墓成化六年旌為孝子  
張倫潞安府人居母喪廬墓致馬兔馴擾禾生聯穗之瑞

成化十一年旌之

楊智介休人母亡廬墓哀毀正統末旌為孝子  
山東

趙讓肥城人事母孝傭力以給母終廬墓有虎夜至聞讓  
悲泣輒避去有刼入廬讓告止有二升米為母忌祭資  
賊感其孝以百錢遺之永樂中旌曰孝行  
趙巖崇邑人母亡奉父甚謹家貧時借貸以供父艱苦不  
使父知父歿合母葬建祠墓側圖親容事之如生永樂  
中旌孝行

河南

何清許州人由貢授陝西環縣學訓導聞母喪遂徒步奔

歸襄事廬守墓側朝夕悲泣有黃狸相隨紫燕二巢累  
年不去成化初旌

呂仲和歸德衛人少喪父事母路氏至孝路因疾喪明百  
藥罔療仲和叩天泣禱舐之遂愈後卒廬墓鳩雀馴集  
墓所正統初旌

楊敬歸德衛人父昱洪武間陣亡敬方十歲聞訃即哭踊  
每思求父遺骸不果乃取水冠葬于先塋之次事母文  
氏極孝謹聞戰陣事輒流涕不已時人以至孝稱之母  
卒哀毀踰禮方殮在堂隣不戒火將及樞敬仰天大哭  
俄反風息火鄉里異之受旌子愨舉人仕至知州

沈忠歸德衛人父疾籲天願以身代父卒母姚氏喪明忠

送死養生盡禮未幾姚卒廬墓手自封植成化間旌忠  
後患癰長子湊吮之忠卒季子瀚廬墓人謂一門三孝  
孫毓武陟人初登洪武丙子鄉試後代祖父行戊十有四  
年母喪廬墓躬負磚土築臺丈五許年幾百齡而卒

王中登封人家業農母沒廬墓披麻食粥未常櫛髮易衣  
時旱後鑿井四丈餘不得泉中環井再拜籲天泉乃湧  
出鄉里謂誠孝所感洪武間表其門

周炳舞陽人事母焦氏至孝母病哀號籲天願以身代母  
思瘡肉炳四出求之弗得悲痛愈切晚忽有獐入其室  
殺以啗母病遂愈洪武中旌

蔡毅中光州舉人萬曆二十六年三月巡按姚思仁奏其

續文獻通考卷之七十二  
三十八  
孝行旌表

劉進光州人由貢中順天鄉試除大平府判連遭父母喪廬墓負土成墳致鳥鵲鷓鴣馴集之異旌為孝子陞太僕寺丞子廷璽舉人廷瓚進士官監察御史張登元河南新鄭縣生員有孝行隆慶五年旌

湖廣

趙說麻城人性孝友以詩書教授鄉里父母同日而死說號慟欲絕者累日負土成墳廬于墓側有白鵲馴擾之祥正統間旌表

許恩蘄水人年甫冠正德辛巳季冬夜鄰家火延恩舍恩思母江氏未出即反救母遂俱為燼止存其手尚抱母身邑人痛之

邵敏湘陰人事母孝母歿廬墓三年一夕有虎來墓所敏了無懼色忽數鹿來逐之去墓旁產芝數本人以為孝感所致成化間旌其門

方觀武岡人性至孝年十四喪母哭泣踰禮及父卒廬墓三年孝事繼母卒遂終身廬墓景泰中旌

鄧顯芳辰州人正德七年鎮筸苗叛侵掠村寨衆皆逃避芳以母柩在堂固守勿去人休以禍芳曰棄母而逃心實不忍况平生讀書所學何事苗至使芳為鄉導芳不從遂遇害支解于母柩之前聞者憐之

楊成章道州人父泰任浙江長亭巡檢嫡母何氏無子泰



續文獻通考 卷之十一  
娶杭州丁氏生成章甫四歲泰卒於官丁氏留杭州何氏携成章扶襯歸成章長為庠廩生初丁與子別剖銀錢為記及何氏臨沒出銀錢付成章且告之故成章待服闋出遊尋母不獲而歸意猶懇切後因鄉人李紹義為東陽典史偵知丁氏所在復往求之遂得母入以為誠孝所感知州葉文浩以聞吏部侍郎唐龍上其事授國子學錄以旌其孝

福建

陳真晟字剩夫泉州布衣家始微賤父為打銀匠嘗携公執業主人密為防公年十一語父曰何業而蒙盜賊之防乎勸父舍之問賣油者所得曰日餘油二壺喜曰此足備養矣貨油至書舍聞講有子孝弟章大悅明日又聞弟子入則孝益喜入請其師曰小人願受學日以餘油為贄師曰諾復告曰我本以賣油代父之業備日養耳專一于學則累我父願得每旦一受講日仍賣油師從之逾年學大進成名儒今理學名臣錄稱其自拔流俗厭末作之蠹心而棄之正謂此也

廣東

郭張善潮陽人末樂丁酉夏六月由儒士為翰林檢討先是善自陳少孤賴繼母撫成而教之今願出仕資養上嘉其孝令翰林試之頗有文學故授是官人咸謂不愧孝廉之選

續文獻通考卷之七十二  
林祖潮陽人早孤遇寇亂失母弟所在遍歷郡縣訪至梅  
州山中得見爲獠人所阻祖乃潛赴梅州訴之得還相  
離十有四年矣人以爲誠孝所感洪武中有司上其事  
賜衣九套鈔千貫官終河間府通判

何宇新字子完廣東博羅人幼失父事母至孝鄉人稱之  
及母沒貧不能葬聞者爭贖比發引奠者七十餘筵遇  
積雨不止及輜車屈道隨在輒晴雨若爲之遷避者旣  
葬縛草廬墓側夜有虎躡其門宇新祝曰罪惡之人孤  
哀萬死盍蚤食我毋徒相怖穴壁覘之二虎左右馴如  
也旣旦散去夜輒復至每浹旬則易二新者猶瓜代然  
宇新忽得危疾鄉人舁歸治之其家在市虎亦尾之去

疾愈還墓則虎又來遂狎焉若素養者先是家蓄一黃  
犬三五日輒候墓宇新欲有所需即書片紙繫其頸  
家人見之具備繫使負還人稱皆孝感云鄉人爲白於  
藩司以聞 詔旌其門後宇新舉鄉貢入南太學與蘇  
人錢士弘友善見其近體尚結衰絰帶牢不可解以示  
終身之喪

續文獻通考卷之七十二終

續文獻通考卷之七十二

三

百九

續文獻通考卷之七十三

皇明進士雲間王圻纂輯

節義考 節婦一

周

陶嬰魯門女少寡魯人將求焉嬰乃作黃鵠歌以自明終身不改

母師魯九子之寡母臘月休作從幼子歸視父母與諸婦孺子期夕而返歸太早止閭外期盡而入穆公聞之賜號母師使夫人諸姬皆師之

伯姬宋共公夫人魯宣公之女歸于宋十年共公卒伯姬寡居偶宋宮災左右曰火將至矣伯姬曰婦人之義保

傳不俱夜不下堂頃之左右又曰夫人蓋少避伯姬曰越義而生不如守義而死遂逮于火而死

蔡人妻宋人之女既嫁于蔡而夫有惡疾其母將改嫁之女曰夫之不幸即妾之不幸也柰何去之適人之道一與之醮終身不改夫茱萸之草雖甚臭惡猶始于採采之終于懷擷之浸以益親况于夫婦之道乎彼無大故又不遣妾何以得去終不聽

鮑女宗宋人鮑蘇妻養姑甚謹蘇仕魯三年而娶外妻甚寵厚女宗如謂曰可以去矣夫人既有所好又何留乎女宗曰婦人以專一為貞以善從為順豈有專夫室之愛為賢哉吾如不教吾以居室之禮而反欲使我為見

之行將安所用遂不聽事姑愈謹宋公聞之表其廬

婦曰女宗

楚伯嬴秦穆公之女楚平王之夫人昭王之母也吳師入郢闔閭盡妻其後宮次至伯嬴伯嬴持刀拒之曰妾聞生而辱不若死而榮吳王慙遂退舍伯嬴閉永巷之門三旬不釋兵秦救至昭王乃復國

貞姜齊侯之女楚昭王之夫人也王出遊留夫人漸臺之上而去王聞江水大至使使迎夫人忘持其符使者至夫人曰王與宮人約召宮人必以符今使者不持其符不敢從及還取符則水至臺崩夫人沉水而死王曰嗟夫守義守節不為苟生處約持信以成其貞乃謚曰貞

姜

貞姬楚白公勝之妻白公死其妻紡績不嫁莫王以重幣聘焉白妻辭之曰忠臣不借人以力貞女不假人以色豈獨事生若此于死者亦然妾不能從夫死今可更嫁乎卒拒不行

魯潔婦秋胡子妻也納之五日而去官于陳五年乃歸未至家見路旁婦人採桑秋胡子悅之下車謂曰力田不如逢豐年採桑不如見貴郎吾有金願與夫人婦人曰吾不願金所願卿無有外意妾亦無滯佚之志收子之齋與筭金秋胡子遂去至家奉金遺母使人喚婦至乃嚮採桑者秋胡子慙婦曰子束髮辭親往仕五年乃還當馳驟揚塵疾至今乃悅路旁婦而聲之金是忘母也是汚行也遂投河而死

韓憑妻宋人宋王悅其色築高臺而窺之既而殺憑欲以為夫人憑妻歌曰燕雀卑棲不樂鳳凰妾是庶人不樂宋王遂自縊而死宋王怒令遠夫墓葬之不得合壙後二墓上常有鴛鴦飛相往來

梁高行梁之寡婦色婉而性淑夫早逝梁貴人多欲娶之不能得梁王聞之遣使聘焉高行曰妾夫不幸死妾為養其幼孤貴人多求妾者幸免今又辱王命妾聞婦人之義一醮不改以全貞信之節今忘主趨生是不信也貴而忘賤是不貞也棄義從利無以為人乃拔鏡持刀

以割其鼻曰王之求妾以色也今妾刑矣何以事王使  
還報王重其義復其身號曰高行

共姜衛世子共伯之妻共伯早死共姜守節父母欲奪而  
嫁之不許作栢舟之詩以自誓

杞梁殖妻齊人也莊公襲莒殖戰而死莊公歸遇其妻于  
路使吊之辭曰有先人之敝廬在下妾不得與郊吊莊  
公乃還詣其室成禮妻無子內外無五屬之親乃枕其  
夫之屍于城下而哭城爲之崩既葬夫赴淄水而死

代趙夫人者趙簡子之女襄子之姊代王之夫人也襄子  
誘代王使厨人以斗擊殺之而迎其姊姊曰吾聞婦人  
執義無二吾豈有二夫哉欲迎我何之遂呼天磨笄自

刺死今人因呼爲磨笄山

秦 羅敷邯鄲女子爲千乘王仁妻仁後爲趙王家令羅  
敷出采桑陌上趙王登臺見而悅之置酒欲奪之羅敷  
善彈箏作陌上桑詞三解以自明不從

漢

桓嫠沛郡劉長卿之妻桓鸞之女也生一男五歲而長卿  
卒妻遠嫌疑不肯歸寧兒年十五夭歿妻慮不免乃豫  
刑其耳以自誓沛相王吉上奏高行題其門閭號曰行  
義桓嫠縣邑有祀必膳焉

王莽女爲孝平皇后孝平崩莽移漢號其女爲黃皇室主  
欲更嫁之令立國將軍孫建世子豫將醫往問疾后大

怒因稱廢疾不肯起葬遂不敢強及漢兵誅莽后曰何面目見漢家自投于火而死

禮宗者安定皇甫規妻也不知何氏女規初喪室家後更娶之及規卒時年猶盛而容色美董卓爲相國聘以輜駟百乘馬二十疋奴婢錢帛充路氏乃輕服詣卓門跪自陳請辭甚酸愴卓使傳奴侍者悉拔刀圍之而謂曰孤之威教欲令四海風靡何有不行于一婦人乎氏知不免乃立罵卓卓乃引車庭中以其頭懸轆轤朴交下氏謂持杖者曰何不重乎速盡爲惠遂死車下後人圖畫號曰禮宗

趙萬妻宕渠人名娥避黃巾寇走萬足疾不能行娥扶之行萬爲賊所殺賊欲污娥以刃迫之娥聳身將刀貫心達背而死

樂羊子妻河南人羊子嘗遊學七年不返妻常躬勤養姑燕餽羊子後盜有欲犯者先劫其姑妻操刀而出盜曰釋汝刀從我者可全汝姑不從則殺妻仰天而嘆舉刀刎頸而死盜亦不殺其姑太守聞之即捕殺盜而以禮葬之號曰貞義

唐姬漢廢帝弘農王妃靈帝崩子辯襲位董卓令李儒進醜王謂姬曰卿王者妃勢不復爲吏民妾幸自愛遂飲醜死姬時年十八歸潁川父會稽太守瑁欲嫁之姬誓不許及李傕破長安得姬欲妻之固不聽尚書賈詡知

續文獻通考卷之九十三  
五  
山之  
之白獻帝帝感愴迎置園中使使持節拜為弘農王妃  
陰瑜妻荀氏名采頴川人爽之女明敏有才藝年十九而  
瑜卒無子同郡郭英喪偶爽以采許之因詐病召采既  
不得已而歸懷刃自誓爽命侍婢奪其刃女既至郭氏  
乃偽為懽悅之色因勅令左右辦浴既入室揜戶以粉  
書扉曰尸還陰氏遂自縊

魏 夏侯令女為曹爽從弟文叔妻早寡無子父文寧欲  
嫁之令女以刀截兩耳自誓居常依爽誅其家上書  
絕婚強迎以歸復將嫁之令女竊入寢室引刀自斷其  
鼻其家驚惋謂之曰夫家夷滅已盡守此欲何為令女  
曰仁者不以盛衰改節義者不以存亡易心司馬懿聞  
而賢之聽使乞子自養為曹氏後

吳 許昇妻呂氏字榮由拳人許昇少為博徒無操行榮  
勤業養姑數勸許昇修學有不善輒流涕進規榮父疾  
許昇呼榮改嫁榮終不肯歸許昇感激自勵遂以成名  
尋渡辟命行至壽春為盜所害刺史尹耀捕得之榮乃  
手斷其頭祭許昇巨族多欲聘之榮誓不再嫁黃巾之  
亂賊欲污榮義不以身受辱賊遂殺之是日疾風暴雨  
雷電晦暝

焦仲卿妻劉氏仲卿為廬江小吏妻為姑所逐自誓不嫁  
其家逼之乃投水死

公孫達妻卻氏李公謀妻戴氏遭寇欲劫與俱行二婦罵



晉不絕口遂被害

孫奇妻范氏名姬歸奇一年奇亡父母以其無子迎還其家姬不往迎者迫之姬乃截耳與鼻曰父母迎我者以我色能事人也今殘廢人矣行將何為迎者乃返

王氏女平度州人女家貧從夫秦友築未毛城暴糧以從夫亡乞棺葬之剖心以殉時人哀之為起祠

顧承妻張氏兄温以承為孫權所囚奪張改嫁丁氏張飲藥死

張白妻陸氏績之女名鬱生年十三適白白罹家禍因遷徙異郡遂誓不嫁姚信表之

晉綠珠石崇妾也姓梁氏孫秀得寵于趙王儉使人求之崇出諸妾美麗者使任所取使者曰奉命求綠珠他人無與也崇曰綠珠吾所愛不敢承命使者乃返後秀族滅崇家崇謂綠珠曰吾為汝受禍汝將如何綠珠曰妾終不負君乃自墜樓而死

辛氏狄道人嫁散騎常侍梁緯西都陷緯為劉曜所害辛有殊色曜將妻之辛據地大哭曰女不再醮乞就死曜曰貞婦也任所之乃自經死以禮葬之

愍懷太子妃王氏太尉衍之女也字惠風太子既廢居於金墉衍請絕婚惠風號哭而歸行路為之流涕及劉曜陷洛陽以惠風賜其將喬屬屬將妻之惠風拔劍拒屬曰吾太尉女皇太子妃義不為逆胡所辱屬遂害之

嚴憲京兆人杜有道妻年十八而寡誓不改節撫教孤子植及女譚後植果顯女亦有淑德

賈渾妻宗氏渾爲介休令被劉淵將喬晞攻破死之宗氏有姿色晞欲納之宗氏罵曰屠奴豈有害人之夫而欲加無禮於其妻於爾安乎何不促殺我因仰天大哭晞遂害之時年二十餘

許延妻杜氏延爲益州別駕爲李驥所害驥欲納杜氏爲妻杜氏號哭守夫尸罵驥曰汝輩逆賊無道死有先後寧當又活我杜家女豈爲賊妻也驥怒遂害之

皮京妻龍氏字憐狄道縣人年十三適京未逾年而京卒京二弟亦相次隕既無胤嗣又無期功之親憐貨其嫁時資裝躬自紡績數年間三喪俱舉葬殮既畢每時享祭無闕州里聞其賢屢有聘者憐誓不改醮守節窮居五十餘載而卒

北涼 楊氏呂纂之妻私農人羨豔有義烈纂爲呂超所殺遂欲妻之謂其父桓曰后若自殺禍即及宗桓告楊氏氏曰大人賣女圖富貴一之已甚其可再乎乃自殺張氏秦安呂紹妻年二十紹死便請爲尼呂隆見而悅之欲穢其行張遂升樓自投于地二脛俱折而死

張天錫妾閻氏薛氏咸有寵天錫疾謂曰汝二人何以報我吾死後豈可爲人妻乎皆曰尊若不諱妾請效死供洒掃地下誓無他志及疾篤二妾皆自刎天錫疾瘳追

悼之以夫人禮葬焉

北秦 符登妻毛氏壯勇善騎射登為姚萇所襲遂欲納之毛氏罵曰吾天子后豈為賊羌所辱何不速殺我因仰天大哭曰姚萇無道殺天子今又欲辱皇后皇天后土寧不鑒照萇怒殺之

南燕 段豐妻慕容氏德之女德既僭位署為平原公主年十四適於豐豐為人所譖被殺將改適偽壽光公餘熾慕容氏謂侍婢曰我聞貞女不事二夫今主上不顧禮義嫁我若不從則違嚴君之命矣於是尅日交禮偽辭以疾熾不之逼三日還第沐浴置酒言笑自若至夕密書其裙帶云死後當埋我於段氏墓側遂於浴室自

縊死

南齊 蔣雋妻黃氏宜興人夫早世矢志不踐二庭家人逼之欲自殺乃已建元二年表其閭

梁 王氏灞陵王整之妹冒母姓姚氏名姚玉京年十六歸衛敬瑜敬瑜溺水死玉京守志養舅姑嘗有雙燕巢梁間雄為鷓鴣鳥所傷其雌悲鳴至秋集玉京臂如告別玉京以紅縷繫足曰新春復來為吾侶也明年果至如是者五六年玉京病卒燕復來家人語曰玉京死矣墳在南郭燕遂至墳所亦死雍州刺史晉昌侯操題曰旌義衛氏之門

南陳 楊氏會稽人張彪之妻陳文帝入會稽遣章昭達

領兵購之并圖其妻兵殺彪并其弟首致於昭達文帝  
遣兵迎楊楊便破涕爲笑給昭達殯彪畢當從命殯事  
既畢還經彪宅謂昭達曰婦人本在容貌今辛苦日夕  
請暫過宅粧飾楊入屋遂割髮毀面哀哭大慟誓不更  
行文帝聞之歎息許爲尼終不敢逼

北魏

董景起妻張氏陳留人皇興間景起早亡張時年十六痛  
夫少喪且無子息遂哀傷過禮終其身不食葷血獨守  
貞操鄉曲高之終見標異

史映周妻狄氏滎陽人年十七適于映周太和二十三年  
映周卒狄恐父母奪其志因焚映周遂慟哭嘔血而殯  
見者莫不悲嘆屬觀風使以狀上詔表其閭

刁思遵妻魯氏滎陽人始笄爲思遵所聘未逾月而思遵  
亡其家憫其少寡許嫁已定魯聞之以死自誓父母不  
達其志遂赴郡訴稱刁氏恠護寡女不使歸寧魯乃與  
老姑徒步詣司徒府自陳狀普泰初有司聞奏詔本司  
依式標榜

張洪初妻劉氏滎陽京縣人年十七夫亡遺腹生一子三  
歲又歿其舅姑年老朝夕奉養兄矜其少寡欲奪嫁之  
劉自誓不許以終其身

後周 鄭善果母崔氏清河人年十三適滎陽鄭誠生善  
果周末誠討尉遲迥力戰而死母年二十而寡父彥睦

欲奪其志毋抱善果曰婦人無再適人之義且鄭君雖死幸有此兒棄兒為不慈背死夫為無禮寧當割耳截髮以明素心違禮滅慈非敢聞命後善果為魯郡太守有過毋蒙被而泣終日不食善果由此克已號為清吏

隋

永興公主文帝之女始嫁為周後主后後文帝受禪後主卒仍稱公主欲嫁之公主誓不從而卒


韓覬妻于氏河內人少茂德于氏年十四適于覬年十八覬從軍歿氏哀毀骨立慟感行路父以其幼少無子欲更嫁之女誓無異志截髮自明養夫之孽子世隆為嗣愛同已生自孀居後惟時或歸寧至於親族之家絕不

往來有尊屬就省謁者送迎皆不出戶庭蔬食布衣不聽聲樂以終其身高祖聞而嘉嘆下詔褒美表其門閭長安中號為節婦閭

孫神妻陳氏河北郡人神戍夏州未幾喪亡柩至陳望見哀慟一哭而卒文帝詔表其閭

襄城王恪妃者循州刺史柳旦女妃姿貌端麗年十餘以良家子召見娉為妃未幾而恪被廢妃修婦道事之愈謹煬帝嗣位復徙邊帝令使者殺之於道恪與辭訣妃曰若王死妾誓不獨生恪死棺殮訖遂撫棺號慟自經而卒

元務光母盧氏范陽人盛年寡居漢王諒反遣將綦良往



續文獻通考卷之七十三  
十一  
山東略地良以務光為記室及良敗慈州刺史上官政簿籍務光家見盧氏逼之盧氏以死自誓政凶悍怒甚以燭燒其面盧氏執志彌固竟不屈節而死

裴倫妻柳氏河東人大業末倫為渭源令為賊薛舉所陷倫遇害柳氏年四十有二女及兒婦三人皆有美色柳氏謂曰我輩遭逢禍亂汝父已死我自念不能全汝我門風有素義不受辱於群賊我將與汝等同死如何女等垂泣曰唯母所命柳氏遂自投於井其女及婦相繼而下皆死井中

崔氏趙元楷妻清河人隋末宇文化及反元楷奔至河北將歸長安至滏口遇盜僅以身免崔氏為賊所拘請以為妻崔氏曰我士大夫女為僕射子妻今日破亡自可即死終不為賊婦群賊裂其衣縛於牀箠之上將陵之崔氏懼為所辱詐之曰今力已屈當受處分賊遂釋之崔因取賊刀倚楹而立曰欲殺我任加刀鋸若覓死可來相逼賊大怒亂射殺之元楷後得殺妻者支解以祭其墓

唐

李德武妻裴氏字淑英安邑公矩之女以孝聞鄉黨德武在隋坐事徙嶺南時嫁方踰歲矩妻離婚德武謂裴曰我無還理君必儷他族于此長別矣答曰願死無他即欲割耳自誓保母持不許自是不御薰澤讀列女傳見

述不更嫁者謂人曰不踐二廷婦人之常何異而載之  
書後十年德武未還矩決嫁之斷髮不食矩知不能奪  
聽之德武更娶爾朱氏遇赦還中道聞其完節乃遣後  
妻迎裴復爲夫婦如初

楊三安妻李氏高陵人舅姑及夫相繼卒子孤寡李晝田  
夜紡三年間葬七喪太宗賜帛二百免其徭役

房玄齡妻盧氏清河人玄齡微時病且死謂盧曰吾且死  
君年少不可寡居善事後人盧泣別一目以見志

崔繪妻盧氏鸞臺侍郎獻之女繪喪盧年少家欲嫁之稱  
疾不許女兄適工部侍郎李思冲早亡思冲欲求爲繼  
室歸幣三百舉盧不可曰吾豈再辱于人寧沒身爲婢

耳是夕出自竇糞穢蟻面還崔舍斷髮自誓武后詔爲  
浮屠尼以終

樊會仁母敬氏河東人字象子笄而生會仁夫死事舅姑  
孝順舅姑以其少欲嫁之潛約婚于里人至期陽爲母  
病使歸視敬至知見給乃佯爲不知者私謂會仁曰舅  
將奪吾志汝云何會仁泣敬曰兒母啼乃伺隙遁去追  
及半道以死自誓乃罷會仁未冠卒敬母亦死葬畢謂  
所親曰母死子亡何生爲不食數日死聞者憐之

樊彥琛妻魏氏江都人魏以彥琛病篤欲殉以死彥琛止  
之及卒值徐敬業亂陷于兵聞魏善音令鼓箏魏即以  
刀斷其指軍中猶愛之魏固拒求死遂見殺

楚王靈龜妃上官氏下邳士族靈龜出繼哀王後而舅姑  
在朝夕侍養謹甚靈龜卒將葬議者欲不舉前妃妃曰  
逝者有知冤可無托乃備禮合葬服除兄弟諭以無子  
可不有行妃泣曰丈夫以義婦人以節我未能殉溝壑  
尚可御粉澤祭他祚乎將自劓衆救乃止

王泛妻裴氏永泰中遇賊欲污之罵曰吾衣冠子豈愛生  
受污耶賊臨以兵罵不止乃支解贈河東縣君

李氏二女白之孫也已爲編民陳雲劉勸妻宣欵觀察使  
范傳正與白有世誼訪得之勸之改適士族二女曰夫  
婦之匹命也在孤窮旣失身下俚仗威力又援締他門  
死何面目見大父于地下傳正不奪其志且爲復其徭

役

王韞秀王忠嗣女忠嗣鎮北京以女歸元載元載少貧載  
父見輕韞秀勸之遊學肅代兩朝載爲宰相貴盛賓客  
候門韞秀復爲詩以諫之有公孫開館招佳客知道浮  
雲不久長之句元載不聽被誅上令王氏入宮嘆曰二  
十年太原節度使女十六年宰相妻誰能爲長信昭陽  
之事遂斃于京兆杖下

蘇飛妻陳氏餘干人年十七適飛未幾飛死廬于墓悲苦  
凡三十年親黨莫奪其志永貞間賜旌表

堅貞節婦李者年十七嫁爲鄭肅妻未踰年肅死常布衣  
蔬食夜忽夢一男子求爲妻初不許後數數夢之李自



疑容貌未衰醜所召也即截髮衣麻衣不薰飾垢面塵  
膚自是不復夢刺史白大威欽其操號堅貞節婦表旌  
其門名所居曰節婦里

符鳳妻某氏字玉英貌姝美鳳以罪徙儋至南海爲獠賊  
所殺脅玉英欲私之對曰一婦人不足事衆男子請推  
一長者賊然之乃請更衣有頃盛服立于舟罵曰受賊  
辱不如死自沉于海

王琳妻常者士族也琳爲眉州司功叅軍俗僭侈盛飾常  
不知有簪珥訓二子堅冰有法後皆名聞琳卒時常年  
二十五家欲強嫁之常固拒不聽音樂處一室或終日  
不食卒年七十五著女訓行世

盧清妻徐氏淄川人惟清仕校書郎以僚姻累貶播州  
尉徐還鄉里糲食不御鉛膏采絺會大赦徐聞闕迎惟  
清至荆州聞惟清死二髯奴將劫徐歸下江徐知之數  
其罪奴不敢逼劫其貲去徐倍道行至播州足繭流血  
得惟清尸以喪還閱歲至洛陽葬之以無子終服還陳  
留汴州刺史徐澣高其節頌而詩之

郭待徵妻薄氏從待徵官河東會袁晁亂薄爲賊所掠將  
汚之不從語家媪使執待徵曰我義不辱即死于水賊  
去得其尸義聲動江南李華作哀節婦賦

李廷節妻崔氏乾符中廷節爲邠城尉王仙芝攻汝州廷  
節被執賊見妻姝美將妻之詎曰我士人妻死亡有命

奈何受賊汚賊怒劓其心食之

殷保晦妻封敖孫也名絢字景文能文章草隸保晦歷校書郎黃巢入長安共匿蘭陵里明日保晦逃賊悅封色欲取之固拒賊誘說萬詞不荅賊勃然怒曰從則生不然膏我劔封罵曰我公卿子守正而死猶生也終不辱逆賊手遂遇害保晦歸一慟而絕

張真妻黃氏名帛夔道人真因過江覆沒帛求夫尸不得于溺所仰而嘆遂自沉積十四日帛尸抱夫尸出灘下慶德公主李氏宣宗女也爲高陵于琮妻琮爲常保衡貶韶州公主借之韶州行則肩輿相隨坐則執琮之帶琮由是獲全及琮爲黃巢所殺欲脅公主公主曰我唐室之女誓與僕射俱死賊并殺之

羅文姬字叔善南昌人年十六適鄭氏疾篤執文姬曰汝盛年當別適人姬誓不嫁鄭亡投繯而死

朱延壽妻王氏延壽之妹爲楊行密妻行密狎延壽延壽奴陰欲歸唐行密詐執而殺之捕騎至家妻集家人聚寶貨焚府舍曰妾誓不以皎然之軀爲讐人所辱遂赴火而死

賈直言妻董氏名德真浚儀人直言坐事貶嶺南以妻少乃訣曰生死不可期可亟嫁無須也董不答引繩束髮封以帛使直言署曰非君手不解直言貶二十年乃還署帛宛然及湯沐髮墮無餘

洪勝可妻梅氏夫死于黃巢之亂賊且逼梅梅誓以死白  
馬將軍見而奇之恐卒見汚因殺之以全其節

李極妻盧氏美容能屬文咸通末極擢進士仕考功郎  
中黃巢亂避地平陽僖宗召爲翰林學士極死盧伏屍  
哭王行瑜兵逼之不從脅以刃斷一臂死

何氏女餘干人年十六爲黃巢所執罵賊不受汚遂死之  
怒善鄧氏賤詔妻也南詔主殺其夫欲聘爲妻不從發兵  
嚇之閉城三月食盡盛服端坐而卒

五代

魏成妻周氏良鄉民也成年五十乏嗣娶周氏生一子後  
成歿周氏年二十朋閔親戚咸勸之再適周氏曰嘗聞

烈女不更二夫妾雖愚婦豈肯更二姓乎于是服勤耕  
織事姑三十餘年事聞詔旌其門

王凝妻李氏青州人凝爲魏州司戶叅軍卒于官携其幼  
子負骸骨以歸過開封逆旅主人不納牽其臂出李氏  
慟曰我不能守節此手爲人所執引斧自斷其臂事聞  
官爲賜藥而答主人

南唐樂平公主徐知誥女嫁爲江南國主楊璉后知誥受  
禪復稱公主每涕泣不食曰我爲人家婦而宗社覆滅  
何以生爲諸兄皆惡之知誥曰婦人內夫家此宜也後  
璉卒主相繼亦卒

余洪妻鄭氏建州人查文徽平建州鄭氏爲亂兵所獲文

續文獻通考卷之七十四  
徽欲犯之鄭氏罵曰王師吊伐凡義夫節婦宜旌賞乃  
欲加非禮于一婦人文徽愧求歸之

續文獻通考卷之七十四

皇明進士雲間王圻纂輯

節義考 節婦二

宋

周渭妻莫氏名筌恭城人劉鋹時渭避難奔走不暇與筌  
訣二子孩幼筌尚年少父母欲嫁之筌泣誓曰渭必能  
自奮于是親蚕績碓舂以給朝夕二子皆婚娶凡二十  
六年太平興國初渭復歸人皆異之

劉氏建安曹觀之妻皇祐五年觀守封州儂智高陷郡死  
之劉逃難林垌中知觀死亦自經曰吾不可污于賊事  
聞追封彭城縣君加贈冠帔

張氏江夏民婦里惡少謝師乞過其家持刀逼欲污之張  
大罵曰庸奴可死不可辱也師乞以刀斷其喉未即死  
猶能擒師乞告隣人遂死嘉祐中封旌德縣君表墓曰  
烈女賜酒帛令郡縣歲時致奠

趙節婦達州人發居有克人欲犯之脅以白刃終不屈既  
而誘以百端終不可遂刺殺之皇祐二年知州薛侏爲  
立碑于州之西北山上後邑令薛仲侃創祠祀焉

趙氏貝州人賊王則反聞趙有殊色劫欲爲妻趙以計脫  
歸使賊禮迎至期恐不行則賊將屠其家乃登輿自縊  
而死

永泰縣主太祖從孫女性孝敬年十四歸元班殿直梁子  
才克執婦道事舅姑孝謹夫亡時永泰年二十二哀毀  
幾隕諸族欲奪志永泰以節自誓終身不渝初封共康  
郡君元豐中加今封以褒榮之

包纒妻崔氏纒早亡惟一幼兒姑意崔不能守使人試其  
心崔蓬垢涕泣曰生爲包婦死爲包鬼誓無他也後兒  
亦卒母呂誘崔嫁崔曰舅歿姑老將安之乎呂怒崔泣  
曰倘以不義見迫必絕于尺組之下母乃止卒于包氏  
事聞旌表纒拯之子也

吳白妻徐氏餘干人年十九白將死喻之曰幸念爾子善  
事後人徐刺目以示白建中靖國間旌表門閭

姚三五妻程小姑大邑人一日姚如外小姑烝然獨居夜

漏半強奴挾刃逼之號呼義不受辱身被重創者十四  
訖全大節縣上其事論奴如律大觀中封旌德縣君  
張廷榮妻王氏壽光人宣和間賊邢貞執其翁王以金帛  
贖之又欲逼其從王怒罵不止遂見殺時年二十詔旌  
其門廷榮後歸金中進士

孫節婦項氏吉水人宣和間夫以逋出走項為里胥執送  
官至中途欲犯之項即引刀自刺郡以聞詔旌其廬

王氏睢陽人適宗室趙子一一亡王氏誓不嫁靖康之變  
避地鎮江亂兵陷城王氏用堊土自毀負其姑秀容縣  
君以逃且襁携幼子他子引其裾纍然轉徙亂尸間越  
四年始達溫陵移居莆田終焉一時名人如陳俊卿輩

皆有詩哀之

張晉卿妻丁氏新鄭人靖康中與夫避金兵為所獲挾之  
馬上丁自投于地戟手大罵連呼曰我死即死誓不受  
辱復挾上馬再三罵不已卒忿然舉槌縱擊死杖下

王氏二婦汝州人建炎初金人至汝二婦為所掠置之舟  
中二婦乘間遂投漢江而死尸皆浮出不壞時人收葬  
城外江上為雙塚以表之

向氏長陽人建炎中保山寨以避寇賊皮仲破寨向義不  
辱被殺人見其白乳自吮流踵向之子後誘賊醉而殺  
之以復母仇

南劔州小常村婦人失其姓氏建炎四年五月楊勅叛卒

由建安寇延平道出小常村掠婦逼脅欲犯之婦毅然誓死不受污遂遇害橫屍道傍賊退人為收瘞之而其屍枕藉處迹隱然不滅每雨則其迹乾晴即濕宛如人影往來莫不嗟異鄉人或削去之隨即復見覆以他土而其迹愈明

葉氏長汀人歸為石城賴仲元妻事舅姑無間言仲元遊嶺表未還建炎中盜起寧化直抵石城葉以夫旅遊舅姑年邁勢不能遁委命以待俄寇至閭里婦女悉驅迫棄家葉極口罵賊以身自觸白刃寇怒斷其喉舌子女皆遇害

師氏彭州永豐人適范世雍子孝純建炎初還蜀至唐州為賊朱顯忠所掠孝純先被害欲污師氏師氏大罵不屈遇害

馬元穎妻榮氏儀真人元穎為將作監薄建炎兵亂榮氏奉姑携子以逃為賊所劫以兵脅之不從賊怒傷其姑榮氏叱之又殺其子榮氏自刃其臂罵賊不已遂殺之王宣妻曹氏臨淮人建炎中盜馬進掠臨淮宣要曹氏同避曹曰吾聞婦人死不出閨門賊至遂赴刃而死鍾離婦紹興間金人攻陷濠城欲驅之去婦曰吾良人子從汝賊耶金人怒斷其臂婦罵不絕而死梁氏龍泉人適同邑李生盜彭友犯吉州梁義不受辱赴水死

黎婦管氏寧都人紹興間李寇破縣欲污之管不從罵賊被殺

黃淑字致柔建寧進士王防妻防為泗洲戶曹卒黃挈柩歸未幾母又卒所親議改適廬陵令黃誓不改節詠竹詩以見志議遂寢後憂鬱死臨終囑其妾以詩置柩中廖氏新喻人貢士歐陽希文妻紹興間建昌白氈笠盜過臨江廖以身蔽姑使希文負之逃廖為賊所執正色叱之至斷其耳與鼻猶罵賊遂遇害淳熙間郡守以聞勅封護其墓

羅愛卿年十八適趙氏子趙入京求仕因亂為劉萬戶所虜誓不屈自縊而死

吳氏建陽人兵部尚書呂祉之妻累封淑人祉為酈瓊所害有得祉括髮之帛歸吳中者吳氏持帛自縊以殉葬吳永年妻何氏金兵陷平江執何氏及永年姊何給之曰婦人東西惟命何繫為賊信之不為備行次水濱何投于河姊繼之陳長方為作二烈婦傳

張弼妻徐氏名觀和州人建炎三年金兵犯邑官軍奔潰肆掠執徐欲污之徐瞑目大罵賊刺殺之投于江

譚氏英州真陽縣人曲江村士人吳琪妻也紹興五年為觀音山盜所執欲妻之譚怒罵不屈被害同時有南雄李科妻謝氏囚于虔盜中數日有欲犯之者嚙其面曰寧萬段不汝狗盜殺之



涂端友妻陳氏臨川人紹興九年盜驅入黃山寺逼以刃大罵不屈乃幽之屋壁數日族黨有得釋者咸齎金帛以贖其孥賊引端友妻令歸曰吾聞貞女不出閨閣今吾被驅至此何面目復登涂氏堂復罵賊不絕竟死之劉生妻歐陽氏安福人紹興十年生以事出惡少欲侵之不受辱而死

劉氏海州朐山人適同里陳公緒紹興末公緒挈其子歸宋劉時歸寧倉卒不得與偕獨居二十五年緯蕭自給公緒音問不通或勸其改適終不從後子寢長思母奔走淮甸遂得迎母以歸

常豐婦張氏嘉定中爲寇蔡六所掠罵賊不屈遇害帥魏公嘉其節以禮具葬題其墓曰節婦張氏之墓

龔自立妻張氏樂昌人嘉定中寇至夫妻襁負二稚竄匿爲賊所得脅以行張與夫訣曰妾死無憾所憐者二子幸善撫之中道詒賊曰吾渴欲飲可暫解我縛賊從之遂投江中邑人立祠祀之

廖氏沙縣人性慧解歌舞紹定三年爲賊所掠命之歌舞廖罵曰我恨不磔汝寧肯悅汝耶賊怒殺之時賊欲窺城廖有娠賊剗其腹觀男女以卜進退得女遂引去招捕使陳鞞以聞詔贈懿節夫人立廟祀之

林氏龍溪人年十九嫁爲謝氏婦踰年而寡父母以其無子欲奪而嫁之誓不許曰吾立一嗣亦無不可守志六

十餘年嘉熙間縣令趙絳夫為立碑于墓郡守李韶書曰守節婦林氏墓

王友筠妻李氏句容人年二十一而友筠卒有子方在襁褓父母欲奪其志李泣曰夫不幸死尚有子使我又棄其子乎因剪髮自誓淳祐間詔旌其門

吳世靜妻涂氏進賢人夫早卒止有一女勵志守節淳祐中北兵遊騎至章江涂氏撫其女曰世亂如此無辱身相携赴水死

王德甫妻余氏德甫以訟喪家令余改適余卒不行咸淳中危順吉即其里立節婦坊與以粟帛

羅李二氏保昌人宋末賊掠其村二婦義不受辱投水而死

李氏樂安人適邑西楊氏德祐間元兵至為賊所獲逼之李抗罵而死

譚氏婦趙氏永新人元兵破城趙氏抱兒匿鄉校禮殿中為悍卒所獲欲污之不從臨以刃曰吾與不義而生寧死從吾舅姑耳遂與嬰兒同遇害血漬禮殿入磚上宛如婦抱嬰兒狀或磨之其狀益顯詔即學內立廟祀之

朱氏莆田人通判興化軍陳用虎妻也封安人元兵寇閩用虎之兄文龍知軍事發兵固守及元執文龍以去朱氏遂自經死

饒氏寧國人年二十一適宣城吳寶信嫁甫七日元兵犯

浙寶信從張世傑等奉廣王益王浮海死饒氏守節無他志

謝枋得妻李氏安仁人元購捕枋得急拘李于獄時總兵欲妻之李解裙帶縊死有一女亦死

臨海民婦王氏美姿容伯顏師至被掠千夫長殺其舅姑與夫而欲私之婦誓死不可令伴婦堅守之因陽曰能禪我葬舅姑與夫乃可事主君千夫長從所請王送葬畢至嶧上清風嶺仰天竊嘆曰吾知所以死矣即啣拇指出血寫口占詩于崖石上曰君王無道妾當災棄女拋男逐馬來夫面不知何日見此身料得幾時回兩行清淚偷頻滴一片愁眉鎖未開回首故山看漸遠存十

兩字實哀哉寫畢即投崖下以死血滲入石間將陰即墳起如始書時不為風雨剝蝕丞徐君端樹石刻碑于死所浙東元帥泰野不華守越日為立廟像鄉之人私表曰貞婦易嶺名曰清風

韓希孟岳州人開慶己未北兵破州為游卒所掠以獻主將韓知不免乘間赴水死時年十八越三日有得其屍于練裙中題五言長句曰宋未有天下堅正臣禮秉開國百戰功每陣惟雄整及侍周幼主臣心常炯炯帝曰卿北伐山戎今有警死狗莫擊尾此行當繫頸即日辭陛下盡敵心欲逞陳橋忽兵變不得守箕穎禪讓法堯舜民物普安靜有國三十年仁義道馳騁未改祖宗法

天胡肆大青細思地理中有幸不幸天果喪中原大  
似裂冠衽君誠不獨活臣實無魏丙失人馬得人垂戒  
當耿耿江南無謝安塞北有王猛所以戎馬來飛渡江  
陵境大江限南北今此一舸艫本期固封疆誰謂如畫  
餅裂火燒岷岡不辨金玉礦妾本良家子性僻守孤梗  
嫁與尚書兒御署紫薇省直以才德合不棄宿瘤瘦初  
結合歡帶誓比日月炳鴛鴦會雙飛比目願常並豈期  
金石堅化作桑榆景旄頭勢正燃蚩尤氣未屏不意風  
馬牛復及此燕郢一方遭劫虜六族死俄頃退鷁落迅  
風孤鸞吊空影簪堅折白玉瓶沉斷青練一死空冥府  
憂心常炳炳意堅志不移改邑不改井我本瑚璉器安  
肯作溺皿志節匪轉石氣噎如吞鯁不作爝火燃願爲  
死灰冷貪生念麴蛾乞憐羞虎奔借此清江水葬我全  
首領皇天如有知定作血面請願魂化精衛填海使成  
嶺韓名希孟年十有八魏公五世孫襄陽賈尚書子瓊  
之婦

王氏婦梁臨川人歸夫家纔數月元兵至與夫約曰吾遇  
兵必死若後娶當告我頃之夫婦被執有軍千戶強使  
從已婦給曰夫在此不忍乞歸之而後可千戶以所得  
金帛遺其夫而歸之約行十餘里千戶即逼之婦拒且  
罵被殺數年夫以無嗣謀再娶議輒不諧因告其故妻  
夜夢妻曰我死後生某氏家今十歲矣後七年當復爲

君婦明日遣人聘之一言而合詢其生與婦死年月同云

劉全子妻林氏福清人全子以福建招撫使起義兵敗自經死有司執其妻具反狀林大罵曰劉林二族世為宋臣欲以忠義報國何為反乎吾死且求治汝于地下遂

遇害

岳州徐君寶妻某氏被虜來杭居韓蘄王府自岳至杭相從數千里主者數欲犯之而終以巧計脫蓋某氏有令姿主者弗忍殺之也一日主者怒甚將即強焉因告曰俟妾祭謝先夫然後乃為君婦不遲也奚用怒哉主者喜諾即焚香再拜默祝南向飲泣題滿庭芳一詞于壁

上已投大池中其詞曰漢上繁華江南人物尚遺宣政風流綠窓朱戶十里爛銀鈎一旦刀兵齊舉旌旗擁百萬貔貅長驅入歌樓舞榭風捲落花愁清平三百載典章文物掃地都休幸此身未北猶客南州破鑑徐郎何在空惆悵相見無由從今後斷魂千里夜夜岳陽樓王氏龍溪人蘇宋傑妻年二十一而寡方娘夫家貧父母欲奪其志誓不許父母怒絕其往來既生男父母意猶未解不得歸寧者七年及男既長則曰吾今不復強汝嫁矣愛如初

侯氏南豐人謝泌妻家貧事姑孝盜起侍姑不去盜逼之不從刃之不死遂得生仆溝中賊退漸甦見一金珠篋

族婦以爲已物稍分之辭曰非我有不願也後夫與姑俱亡子幼父母欲改嫁侯曰寧餓死耳卒終其節  
李氏歸劉汝霖生子安雅未及百日夫卒誓不負所天一節終身

葉氏慈谿人歸鄞之史簡簡爲縣尉杖死葉氏時年二十  
五日夜抱幼女悲泣夫死時方娠囑曰若生女當嫁果  
男也幸謹視之葉氏泣受遺言後果得子於是毅然自  
守隣保咸謂汝家若是裸中兒寧可恃耶葉氏誓死不

聽

張氏名妙靜慈谿人年十九歸本邑李綦甫入門夫已病  
革一顧而易箒或云伉儷未成盍返而從其父母張氏  
誓不許曰入李氏之門即李氏之婦義不再適守節終  
身年八十四卒

張氏婺源人許某妻也年二十餘夫死遺腹生一子明年  
姑與子俱死夫族盡據其家而有之乃還母家鬻簪珥  
自營一室奉許氏祀婺居二十三年而歿

吳中孚妻某氏進賢人少寡景定元年兵亂携孤女自沉  
于縣之染步曰義不負吾夫

楊氏知欽廉州友之女適蔡若訥喜讀書通大義夫卒時

年二十有三守節不二書乞為寒水玉願作冷秋菰二  
句于壁以自勵

黃氏名桃娘德化士族女美姿色早喪父年十六適同里  
陳德環期年夫以役死于外計至痛哭絕而復蘇亟尋  
夫屍歸葬母憐其少無子每迫之嫁黃知不免一日假  
以澣衣于門前溪側遂投水死

王氏奉化人年十九歸廣平舒立三月而夫亡後媒妁踵  
至王氏答曰雖父母有命我志不可奪也守節終其身  
年八十八卒叅政樓鑰立石于塚上題曰宋節婦王氏  
之墓

胥氏金谿人嫁黃君雋未期而寡父問所志答曰生為忠  
孝家婦死為忠孝家鬼蓋以雋為忠孝黃彥遠之裔也  
朱氏開封民婦夫日與俠少飲博犯法徙武昌父母欲奪  
而嫁之朱曰何迫我如是耶其夫將行一夕朱自經死  
且曰及吾夫未去使知我不為不義屈也

金氏高淳人少寡居貧甚里有惡少欲污之持刃逼脅余  
曰決無從汝之理可即殺我遂見害有司以事聞表其  
市曰節婦里

鄭臘兒妻康氏曹州人夫早卒康以死從之旌曰貞節  
徐順妻彭氏東平人夫早卒彭尚艾竟以死殉詔旌其閭  
夏氏德興人余應琦妻年十九應琦卒無子立嗣以守後  
旌表其門曰節義

張吉妻李氏河內人吉遊學數年不返家人欲嫁李竟守節而死表其坊曰節婦

程起宗妻吳氏休寧人嫁再期而舅與夫皆歿以夫族子為後強族利其貲欲改立嗣訟之不得乃迫置一室困之使不能存吳不為動未幾所立子亦卒僅一孫相依為命年八十有二而終

王粉兒汝州人許嫁同里張得山未行而得山死粉兒即柩旁慟哭幾絕既葬復至墓所奠哭遂自縊青楊樹下北辰烈婦某氏楚州淮安人有美色夫為小商載之同行隨至北辰夫病死貧無以殮同舟富商假貨為喪費自恃有恩顧其妻以為已物烈婦既葬之三日復墓以歸

見勢且迫遂取其嬰兒縛置胸號哭赴淮而死徐積嘗記其事作詩哀之曰海水猶可泛君身不可犯淮水猶可瀦君身不可污鸞鳳猶可馴君身不可親不是雲間月便是月邊雲

陳節婦臨海人貢士朱伯履妻年少夫亡有欲奪其志者陳氏撫膺慟絕既甦嘆曰吾寧速死忍聞此言引刀欲自剄姑亟奪之乃免事父母舅姑至孝詔封安人旌其門



耶律奴妻蕭氏小字辛國舅駙馬都尉陶蘇幹之女美姿容年二十始事奴睦族以孝謹聞奴被乙辛誣流烏古部上以辛公主之女欲使絕婚辛辭曰陛下以妾葭葦之親使免流竄實天地之恩然夫婦之義生死以之妾自筭年適奴一旦臨難頓自垂離與禽獸何異幸陛下哀憐與奴俱行妾即死無恨帝感其言從之後舉家召還保大中命諸子避賊辛死之

耶律木者妻蕭氏國舅字慧之女性端慤有容色年十八歸木者謹恪貞婉孌似推重及居木者喪謂所親曰夫婦之道如陰陽表裏無陽則陰不能立無表則裏無所附木者早歲登朝有才不壽儻死者可見則從不可見則當與俱自刃而卒

耶律中妻蕭氏小字接蘭年二十歸中事夫敬順天慶中為賊所執置刃於頸以死自誓賊遁而免中拜五院都監金兵逼城中謂妻曰吾當以死報國汝能從我乎接蘭對曰謹奉教後中死接蘭無感容俄躍馬突至中所自殺

金

王氏安陽人進士郭丙妻也海陵王南遷丙避亂居杞及元兵渡河夫婦相失王暨少女俱被掠泣謂女曰今夕不死必被辱矣吾勢不能顧汝守者少緩遂投河死

劉氏蒲城人許古妻貞祐初賊圍蒲急劉恐見驅爲所汚與二女相繼自盡貞祐四年五月追封劉氏爲郡君謚曰貞潔長女謚曰定姜次曰肅姜以其事付史館相琪妻樂氏貞祐問紅襖賊陷掖樂夫婦及子皆被執殺琪與子而欲妻之樂大罵不從賊怒殺之追封西河縣君謚曰莊潔

烏古論氏臨洮總管陀滿胡土門之妻崔立之變衣冠家婦女多爲所汚烏古論氏自縊死

李伯通妻周氏石城人元兵之亂爲所獲謂同行者曰人雖愛其生萬一受辱不如死即自投于塹幸不死績緝自給教其子易讀書有成

李英妻張氏英爲監察御史元兵破濰欲取爲夫人不從遂見殺追封隴西郡夫人謚莊潔

翟氏婦易州人金末年二十餘夫從年死翟出入兵刃往復數百里晝伏夜行以其尸歸負土而葬之既葬又自以無子遭時亂思以義自完乃自決于墓側鄰里救而復蘇始終一節年八十卒

康氏鄜州人夫早亡服闋父取之歸家許嚴沂爲妻康氏誓死弗聽投崖而死事聞命有司祭其墓

史氏白水縣人李文妻夫亡誓不更嫁父強以許邑人姚乙史不聽姚訴之官被逼自縊死詔有司旌其墓

蒲氏行唐人嫁樊氏爲妻未幾樊卒誓不再適時有山寇

逼求為妻蒲氏跳于崖下水中而死鄉人號曰義姜稱其水為玉女塘

續文獻通考卷之七十五

皇明進士雲間王圻纂輯

節義考 節婦三

元

劉氏伏義張忠妻年二十夫亡守節終身至元三年旌表  
周木忽妻崔氏元初從忽官平陽金將破平陽令官屬妻  
子敢匿者死時忽以使事在上黨崔氏即抱幼子禎詭  
言于將將信之使軍吏書其臂出之崔氏不使吏執臂  
自揜袖吏懸筆而書既而將知其詐追之伏土窖三日  
得免與木忽會未幾木忽亡崔年二十九大慟柩前誓  
不更嫁有謀娶者乃自爬毀其面四十年不妄言笑人

續文獻通考 卷之七十五  
乙  
三百七十七共浙  
以比古烈婦云

薛世榮妻韓氏河內人世榮歿時年二十一孀居守節年七十八而終至元五年旌表其門

王傑妻盧氏溫縣人年二十傑亡志行貞潔終始如一至元五年旌表其門

張興祖妻周氏澤州人少年守節其祖母及母並以貞節著人或勸改適曰不孝不義吾不爲也居嫠三十年舅姑與父及外祖皆盡葬祭禮詔旌其門

陳氏韓城人適邑人孫謙生子景仁甫一歲而謙卒氏方十九誓不易節至元十六年旌表其門

李氏涇陽人符文進妻年二十六文進卒誓不再嫁至元

中詔旌其門

任建妻王氏尉氏人建仰弋林中墜矢中面而死時王年二十三一子尚在襁褓父母憐其早寡欲嫁之王曰任氏有後豈忍背之誓不他適歷四十餘年而終至元間事聞詔旌其門

李氏南豐人曾闔妻夫死守節至元壬午葫蘆峒寇猝至甘言誘之大罵賊而死

段氏隆興人霍榮妻榮卒段氏年二十六止有養子而諸父貪其產逼段再醮使養子歸宗段引針刺面墨漬之誓死不二大德初旌其門

吳氏興和人夫死自刺其面誓不改嫁詔旌其門

謝思明妻趙氏成紀人夫死自髡其髮誓不再醮詔旌其門

田濟川妻武氏冀寧人曹子英妻尤氏溧水人夫亡皆嚙指滴血誓不再嫁各旌其門

霍氏二婦俱鄭州人至元間尹氏夫耀卿歿姑命其更嫁尹曰再嫁失節妾不忍爲也姑不能強楊氏夫顯卿繼歿慮姑欲其嫁即先曰婦願與尹共修婦道姑曰汝果能如是吾何言哉於是同處數十年節孝著聞于世王氏懷安人歸爲同邑吳氏婦年二十有九而寡守志不

二大德五年旌表門閭

李君用妻王氏遼陽人大德八年哭夫而死

耶律忽魯不花妻移刺氏夫同知湖州路事旣歿割耳自誓廬墓側不食死

謝氏上猶人名十九娘邑徐仁妻年三十夫死夫黨有徐祥者陰許爲富家妾謝聞之悲慟自縊而死大德間廉訪司至縣祭之表其墓曰貞婦

關文興妻王氏名醜醜建康人至元中文興從軍漳州爲萬戶府知事會陳弔眼作亂文興戰死王氏爲賊所執逼汚之給曰收葬吾夫然後惟命及得夫亂屍中積薪焚之亦投火死大德中漳州路上其事下詔旌其門仍封文興英毅侯王氏貞烈夫人立廟祀之賜額雙節溧陽甘士人妻大德丙午士人挈妻館寓句容潘家村值

歲荒績網給食一日夫携網出賣不復還人有利其色為給食因欲私之婦正色曰我非如是人也其人謂我不汝給汝亦餓死矣婦曰我寧餓死誓不苟生閉戶益嚴彌月人開視之則已死矣

丁氏新建人鄭伯文妻大德時伯文病時丁與訣曰君脫有不諱妾當從但君父母已老妾且忍死以奉其餘年必不負君伯文卒丁氏年二十七始終不改節事舅姑盡孝事聞詔旌表其門

郝氏永壽人田大妻晉氏田二妻周氏田三妻兄弟三人俱死于兵郝年二十一周年十八晉年十九俱堅心守節終身不嫁延祐二年旌表時邠州任氏亦一家三婦少寡不他適戮力蚕桑以養舅姑俱被旌

范遇時妻顧氏既嫁而早寡育孤謹節垂四十年延祐間事聞旌表其門

關氏鄜州人孫世昌妻年二十三而世昌卒守志不渝六十年延祐中旌表

熊氏南城人喻克成之妻克成早卒熊氏始終不虧婦節至治間旌表其門

宋天民妻陳氏汝州人年二十五而夫亡之嗣誓不再適守節三十六年始終不渝至治中旌表其門

譚拱辰妻黃氏夫喪年幼子景星甫四歲堅白自持訓其子起家永明教諭以孝行稱延祐泰定中母子俱旌

余氏名正順昌人年十六父從周許妻黃壽明年將樂土  
豪伍馬榮者欲強娶之余氏告其父曰既受黃聘即黃  
婦也吾寧死而不失節父以其辭辭之又明年歸黃黃  
迎之土豪遣百餘价俟于道殺黃而奪余氏余氏給其  
价還乃扶黃柩歸白于官土豪坐誅遂卜地葬其夫自  
殺以從時致和已巳歲也

趙彬妻朱氏洛陽人名錦哥天曆初爲西兵所掠將犯之  
朱度不能脫即給之曰幸釋我舍後并傍瘞金發以遺  
汝西兵信之朱得近井即抱三歲女赴井死

羅五十三妻善哥蒙古人五十三同知宣政院事天曆初  
以罪竄歸其家以貴哥賜近侍卯罕貴哥自經死

杜友開妻吳氏江陰人友開儒者家貧教授吳辟纒助之  
天曆間歲歉友開竟餓死吳昆弟欲挈吳以歸吳以義  
折之遂相枕籍而卒

馬奔妻胡氏名順奴順德人奔死自縊殉葬至順元年詔  
旌表其門

黃景立妻彭氏永豐人年十八生一子景立亡斷髮誓不  
改適至順間詔表其門

哈刺不花妻脫脫尼雍吉刺氏蒙古人不花死前妻有二  
子欲以本俗收繼脫脫尼恚且罵乃謝罪

李世安妻王氏成都人世安卒弟世顯欲收繼之王氏引  
刀斷髮割耳親戚爲醫療百日愈旌其門

臺叔齡妻劉氏順寧人一日地震屋壞壓叔齡不能起家復失火叔齡母往救不得欲就焚叔齡望見妻呼曰吾已不得出當亟救吾母劉謂夫妹曰汝救汝母汝兄已死吾無用生矣即自投火中死火滅家人收二屍燼中手猶相握

江文鑄妻范妙元奉化人年二十一歸于江及門未合邑夫忽以癩疾卒范誓曰我既入門即江氏婦也遂居江氏家守節撫諸姪如已子

趙美妻王氏內黃人至治初美溺水死王誓守志舅姑念年少無子欲使更適人王曰婦義無再醮安可棄而去舅姑欲以族人繼婚王不從舅姑逼之王即自經死

趙慶妻高氏新安人年二十一慶亡子幼高躬親耒耜撫育其子以成立元統三年旌其門年九十五而卒

唐斗輔妻文氏靜江人大德中斗輔任賓州幕官卒時文氏年方二十餘哀慟幾絕執義自誓孝養舅姑舅姑既沒葬祭無遺憾其子明蚤世婦蔣氏慕姑之義亦自誓靡他至治中旌其門曰貞節

向氏二婦宜都人存仁妻張存禮妻杜各一子二婦年皆未及三十堅守節義至元中旌表其門曰節義

花山節婦高淳人失其姓氏至元間爲兵所逼至崇賢鄉碑亭橋嚙指濡血題詩亭上有云遙望花山何處是遂自縊鄉人哀恤之因名花山節婦



陳端才之妻蔡氏三王龍溪縣澳里人後至元間本處寇起掠其里里媪集里中婦女同舟避難寇追及三王亟以水漬衣寇視王有姿色欲先污之三王給曰衣濕更求衣寇取衣遂投水死

楊氏鄆縣人閻禎妻禎卒楊甫二十二歲誓志守節約五十年至正元年詔旌表其門

湯氏名潤字妙光處之麗水人適葉河早卒年始二十一守節三十一年卒至正時旌其閭且復其役

蘇守義妻齊氏安平縣新莊人守義病篤謂齊曰我即不諱爾年少可善事後人齊曰烈女不懷二心及死即死以殉有司上聞旌曰死節之門復其徭役特至正六年

郭氏台州千夫長李某部卒妻李見郭氏有令姿心慕焉去縣七八十里有盜出沒李分兵徃戍卒遂在行旣而日至卒家調之郭毅然莫犯經半載夫歸具以告一日李過卒門邀入具茗轉身持刃出李幸脫走訴縣捕問傅死罪桎梏囹圄郭氏躬餽食于卒閉戶績紡以資衣食人不敢一至其家久之獄卒葉姓者尤有意于郭氏乃顧視卒日飲食之情若兄弟遂謀之于卒欲以爲妻卒喜諾郭氏曰汝之死以我色我又能二適以求生乎旣歸待二幼痛泣遂携出市召人與之人有憐之者納其子女贈錢三十緡郭以三之一具酒饌携至獄哽咽不能語旣而曰君擾押獄多矣可用此答之又有錢

若干可收自給我徃一富家執作糊口恐旬日不及看君也垂泣而別走至仙人渡溪水中危坐而死見者報縣爲具棺殮葬所死之側山下上司表其墓曰貞烈郭氏之墓至正六年朝廷遣使廉得其事原卒初情釋之一說郭貞婦齊義妻也義酗酒刺其千夫長不死事覺當流於廣郭以廣多瘴度義不能生還乃歸其女於董氏送義出郭籲天赴水而死收其屍則端坐水中顏色不變衆因立祠祀之

李青妻張春兒葉縣人年二十而青疾革顧春兒曰吾殆矣汝善事後人春兒斷髮示信誓不再醮尋青卒春兒號慟幾絕囑其梓匠曰造棺宜極大將以盡納亡者衣服方斂之屬匠如其言既殮乃自經隣里就用此棺同葬之至正八年旌表其墓

毛氏名清娘早適人至正九年寇亂闔門走避毛氏竟不能脫遂大書其壁云寧死義不從賊賊至毛氏以利刃刺賊首遂爲所殺

史五妻徐氏定遠人五爲義兵百夫長至正十年暴兵至五戰死徐氏求夫于積屍中莫能識以口吮血辨驗得載歸治大棺以殮乃沐浴自經死

王相妻潘氏霑化人其舅王伯顏死節于福寧州城陷潘爲賊所執不食而死追封太原郡夫人

程晉妻彭氏偃師人寓居開興壬辰兵變軍士驅迫使隨

彭給之曰我有金若干私瘞于家爾可取之願以從行賊拘少懈至井彭大罵曰吾良家婦肯自愛其生以汚身耶遂投井死鄉人號曰烈婦

李氏永新彭九萬妻至正十二年紅巾至李及其子女俱被執脅以白刃欲犯之李罵賊而死

鄧氏崇仁周九成妻至正壬辰盜起被執欲汚之罵而死楊用霖妻蕭氏子婦劉氏隣婦陳氏鄧氏壬辰寇起懼爲所汚俱投井死

徐氏張孟庸妻德興人壬辰盜欲納徐哭曰芳谷吾祖也夫被爾殺反又事之豈不辱吾祖乎沉水死

王氏德興人壬辰盜起王在室或強娶之赴水死

唐氏龍泉項惠可妻至正壬辰紅巾寇亂惠可具舟遠避南及新林寇奄至唐見事急與其母俱赴水死

鄺維禎妻曾氏教城人至正壬辰紅巾寇至教城執曾氏欲妻之不從俟間自盡

萬氏樂安人曾希仁妻生三女至正壬辰之亂母子四人恐爲盜所辱俱縊死又聶貴妻劉氏王仁妻劉氏蔣恒妻劉氏俱樂安人守節被旌

董氏譚友妻餘干人紅巾之亂殺其夫與父母兄弟欲汚之赴火死

友蘭玉妻葉氏閩人至正壬辰玉死于戰紅巾萬戶毛壽素慕蘭玉德欲庇其母子葉義不受庇携子赴水死

鄭氏建寧路照磨雷景炤之妻紅巾寇亂剽掠其村落景炤及父俱爲賊所害鄭有容色義不受辱遂自殺次日復甦竟全節終

朱至真妻袁氏豐城人壬辰兵變遇寇投水死

劉節婦冀之衡水人通古文孝經小學適同郡曹泰時紅巾陷河朔因避兵聊城村賊掩至大掠見節婦居群人中特妍整持刀驅之行節婦曰吾婦人惟知從夫而已不從賊也賊欲移其心乃盛陳金玉珠璣仍以錦繡衣服被節婦身裂碎之強擁上馬墮地者數四賊怒繩其項就馬上曳之節婦以手爬地以頭觸石流血罵不絕聲遂遇害

史氏溧陽人元末遭紅巾之亂舉家被害以刀自刎不絕乃抱子入水死

段氏史宛妻餘干人紅巾亂其僮欲犯之殺一女罵不從又殺一男罵不從竟死焉

粉娘南豐人年十八值紅巾掠去不從賊怒殛死之

王弘妻李氏安陽人至正間紅巾賊起弘亡于兵李收尸發喪晝夜哭泣李頗有姿部人爭求爲妻李以死自誓人知其不可干乃白于帥帥許之李度不能支佯曰必待卒虞之後求者諾之迨期遂飯僧大作佛事散家貲翼日清晨引一老婢徑往天寧寺登浮圖絕頂自投而死衆皆駭愕瘞于西門外築土爲臺高數尺以旌節婦

童氏俞士淵妻嚴州人至正十三年賊陷威平剽掠至士淵家童氏以身蔽姑衆欲污之童氏大罵不屈一卒以刀斷其左臂愈不屈又一卒斷其右臂罵猶不絕乃抉其面而去明日死

黃氏泰寧邑士元實之女至正十三年鄉惡少為亂元實遇害黃氏被髮跣足奔父死所抱屍哭踊賊憐其色欲污之黃氏罵不絕口亦遇害

陳氏名道回古田蔣國秀妻至正十三年紅巾賊攻破縣治國秀親族俱被殺道回見太姑蘇妙仁為賊所擒懇告願代其死賊殺其太姑執道回義不受辱自刎而死邑上其事于朝旌表其門

王氏惠士玄妻大都人至正十四年夫病嘗糞夫死育妾子自守妾子復死曰無復望矣自經于墓樹下

費隱妻王氏良鄉人夫病嘗糞夫死撫其子女已而子又死女稍長以管鑰付之遂相抱慟哭縊死園中

潘氏汪琰妻婺源人琰卒誓不他適以夫仲子元圭為後元圭孫燕山妻李氏燕山兄子惟德妻俞氏皆早寡矢不他適人稱汪氏三節

蔣氏歙縣吳子恭妻夫亡孀居五十年年七十八卒至正十四年旌

李哥灞州倡女年十二三時母教之歌舞泣不肯學母告以業不可廢哥曰若此聽母母亦當從我好否則有死

已爾母陽許之因是不粉澤不茹葷所歌多仙曲道情有召者先詢主客姓名然後往人亦相戒毋戲狎哥凝立筵前酒行歌闌目不流盼與之酒弗飲州判官嘗忤哥徑還誓不與見孟津縣達魯花赤厚賂哥母夜抵舍哥懷利刃閉卧內罵之曰汝職在牧民而狗彘之不若可急去不污吾刃矣慚怒以回明日知州聞之嘆曰州有貞女而吾不知是一失也吾次子明經舉秀才真若配以禮聘娶之未幾紅巾入寇夫婦被執見哥妍麗將殺其夫哥走前抱夫項大呼曰吾斷不從賊求活寇并殺之

李賢卿妻王氏至正十五年旌表

鄧氏名貞定金谿葛絳妻年二十八居孀至正十五年鄉寇至執欲污之罵而死

樂壽孫妻劉淑靜鄞人歸壽孫三年壽孫溺死同載者多不得屍劉氏生男甫周歲抱之沿流上下仰天哭而求屍屍忽自浮得歛葬焉時年二十九勤苦守志撫孤成業旌其門

張定山妻婁道真范淦妻董守貞謝德政妻仁和陳氏張穀寶妻祝清皆以守節被旌

吳興祖妻呂氏歙人至正丙申夫婦避亂黃山遇賊興祖走賊執呂欲污之不屈遇害

吳克妻戈蘭舟徒人年十八歸克至正十六年賊攻城將

破懼辱投井死時年二十一

劉節婦泰州城人至正丙申春隨父渡江居吳門適張士誠部將曹某方數月夫陣亡劉不避凶險躬至死所求得其屍歸葬欲以身殉父不許既而權貴人聞劉美且賢爭欲強委禽焉劉誓死不二遂削髮為比丘尼黃氏名妙姝松溪人至正丙申青田寇侵縣治黃氏時方盛年與群婦逃山谷間為盜所執義不受污哀哭而伏地不行賊怒驅迫以前行數里經高崖數十丈遂投崖下盜意其必死舍而去至暮其夫蹤跡之得于崖下幸不死遂昇而歸鄉黨高之

江必大妻朱氏至正間喪夫無子遭亂至拾草根樹皮為食竟以節終

丁尚賢妻李氏汴梁人年二十餘有姿容至正中賊至欲虜之李怒曰吾家六世義門安能從賊以辱身乎於是闔門三百餘口皆遇害

高恪妻段氏安陽人奉祀郎思謙女既歸高氏婦道毋儀鄉人範焉至正間寇掠村鎮家人悉奔竄段投井而死年二十有八

張政妻秦氏臨漳人至正間兵至投井而死有司上聞旌表其門閭

張和妻王氏溧水人年未三十而和卒黃截髮誓不改節撫孤子玉成立至正間旌表

王容妻陳氏溧水人與其妾汪氏俱年少容死子幼至正間淮兵陷城邑方脅二氏不從俱餓死後當道嘉之贈貞烈

王氏鄜州人康德明妻年二十而德明卒半月生遺腹子育孤守節至正中旌表

張氏鄜州人賀敏妻敏年二十四疾卒張即自縊同穴而葬至正中旌表

婁氏定遠人于氏婦年二十餘至正中爲亂兵所驅義不受辱赴濠水而死

鄭氏呂氏歙人俱爲程氏婦至正間兵亂鄭呂匿于里之王鎮橋呂有姿容卒至虜之鄭力救拒卒怒斬之因以

懼呂呂大罵不屈并遇害

羅宣明妻蔣氏歙人至正間斬黃盜起蔣氏往依兄弟于香山寨賊攻寨破蔣氏以二子屬其僕出遇賊力拒罵曰死狗奴何不殺我賊斫其臂墜崖而死

齊氏太原人適王履謙至正中賊陷太原齊氏與蕭呂二婦及二女避難趙莊賊至度不能免顧謂二女曰汝家五世同居號曰清白豈可辱身以苟生哉長女曰吾夫已死今得死爲幸呂曰吾左丞孫也義不受辱乃與二婦二女及二孫女俱投巖下死

張氏太倉人年十七始贅周某爲夫夫之父爲百夫長嘗與同伍謀刺其帥事泄罪連其子及婦將斬之帥之子



惜張姿容曰能從我即活張忿罵帥子憤而殺之

范氏名回松溪人葉彥寬妻至正間彥寬得授政和縣簿未任而歿范氏年未三十子一尚幼誓不履二庭有介婦同居新寡將改適范氏力諍不聽乃獨撫其子以居子既長從戍又撫其孫孀居五十年餘終始如一節人無間言壽八十

田氏渾源知州劇仲亨妻生一子彬年七歲至正間仲亨卒田氏年未三旬遂自經喪側事聞旌表其門

趙野妻柳氏薊州人野為戶部主事未合衾而野卒柳誓不再嫁病不服藥曰我年二十六寡今年逾半百死可矣遂卒

善諒妻王氏新泰人至正間夫卒自縊


曹氏奉新人余文佐妻至正中渠寇虜掠鄉里縛文佐殺之尋驅費氏欲汙焉投潭水而死

姜本道妻彭氏弟本源妻葉氏至正中道源兄弟為賊黨余祐二所殺彭與葉訣曰我夫既死賊必見辱俱死之

焦士廉妻王氏博興人養姑至孝至正中毛貴作亂為官軍所虜王氏給取藏金于墓所至則罵曰我欲死墓旁耳與妾杜氏皆遇害

趙氏女平陽人年二十未嫁為賊所執給賊取藏金自投于廁而死

李宗顏妻夏婉常富州人與女避賊後園中賊至共投井



死

阿魯溫氏僉事赫赫妻夫亡既葬不食五日而死至正間  
旌其廬

姜氏開州谷有源之妻夫卒自縊死至正未旌表

毛氏婦胡氏武定州人至正中姑與婦同為賊所執義不  
受辱罵賊而死旌曰雙節

楚錫妻鄭氏杞縣人夫亡時鄭年二十三哀毀幾絕以禮  
營葬遺子咨哲幼弱鄭紡績自給守節四十七年至正  
間事聞旌為貞節之門仍命月給衣糧

也先忽都蒙古欽察氏大寧路達魯花赤鐵木兒不花妻  
以夫恩封雲中郡君夫免官居大寧至正中紅巾賊至

忽都與妾王蓮走尼寺中為賊所得令與眾婦縫衣拒  
不肯曰我達魯花赤妻不能為賊作針工遂與王蓮俱  
見殺先是其子完者帖木兒與父出城見執于賊完者  
拜哭請代父死賊愛其姿秀遂挈以從後獲脫歸訪母  
屍并王蓮葬焉

呂彥能姊及妻女陵州人至正中賊犯陵州彥能姊孀居  
寓其家先曰我喪夫二十年又無子不死何為赴井死  
妻劉氏語彥能曰妾為君家婦二十八年茲逢亂離必  
不負君亦入井二女及子婦王氏二孫女皆隨溺一門  
死者七人

劉公翼妻蕭氏濟南人至正中毛貴將陷城慮不免謂夫

曰妾詩書家女當作清白鬼于泉下城陷解條自縊死  
趙洙妻許氏湯陰人有壬姪女洙時爲儒學提舉同避賊  
資善寺洙先被殺許氏不知賊甘言誘百方終不從已  
而知夫死慟哭仆地罵不絕口遂遇害寺僧哀其貞烈  
與洙合葬之

張正蒙妻韓氏紹興人正蒙爲湖州稅務提領至正中紹  
興兵變正蒙與韓氏俱縊死女池奴年十七投崖死

余同祖妻曹氏茶陵人至正中城陷自剄死妾抱持不得  
亦自剄死

卓氏尤溪施九泰妻嫁未幾九泰卒卓以死自誓遺腹生  
一子紡織勤劬以供衣食教其子成立至正中有司以

閩詔旌表復其家

杜氏卽友直母年十八夫卒誓不改節至正間旌爲母慈  
子孝之門

關惟一妻周氏登封人至正間夫病死周時年二十四囑  
工造棺須大潛自縊而死與夫同棺葬之

蔣義甫妻許氏妾張氏益都人夫卒皆守節至正十七年  
毛貴兵亂俱投井而死

韓軌妻邢氏安陽人至正十七年盜陷河朔時軌知林州  
守黃華砦盜攻之甚急邢語其女曰恐事不濟吾與汝  
必受辱遂俱投崖而死

謝氏諱芾金華人適蘭溪吳履至正十八年師破睦州遊

兵四出虜婦女芾度不能免抱女投崖下死宋濂有傳  
濂女弟嬖值是變亦以秉節沉淵死

王時妻安氏名正磁州人至正十九年時以叅知政事分  
守太原正從之明年賊兵寇太原城陷衆皆逃正與妾  
李氏同赴井死事聞贈梁國夫人諡莊潔

陳氏名三長樂人嫁同鄉柯宗實至正二十年海賊劫石  
梁宗實適在縣郭陳氏將逃避念其父疾弗能遠致奔  
往省之與賊遇執焉陳氏且行且罵賊怒亂捶之驅至  
舟置之蓬上使其徒守之陳氏乘間赴水死

李弘益妻申氏冀寧人至正二十年賊陷城投井死再娶  
安氏二年而弘益卒安氏膏沐薰香自縊柩側

胡氏岷縣剡溪人諱妙端適同邑祝某至正春爲苗獠虜  
至金華縣將妻之義不受辱乘間嚙指血題詩壁上已  
赴水而死三月二十四日也獠帥服其節爲立廟祀之  
邑人咸曰烈女廟詩曰弱質空懷漆室憂搜山千騎入  
深幽旌旗影亂天同慘金鼓聲滯鬼亦愁父母劬勞何  
日報夫妻恩愛此時休九泉有路還歸去那箇雲邊是

越州

趙宗澤妻衡氏金陵人少有志操時汝穎兵起攻陷建康  
衡與趙棟妻夏氏趙楷妻劉氏俱誓不受辱沉水而死  
時號三烈

余忠宣公夫人蔣氏廬州人公守安慶時城陷夫人率其

女福童赴水死

楊和卿妻尼氏益都人夫早卒守節毛貴兵陷益都自縊而死

劉朝綱妻段氏宋氏俱益都人綱爲山東行省理問卒俱縊以殉

管氏政和張子方妻至正末磔寇入邑邑人子女多驅迫以去管氏時年二十餘遂自刎死

陳氏光澤危萱妻至正末寇陷杉關驅掠鄉民男女陳氏與萱俱被執賊索金帛不愜其欲萱被害脅陳氏去陳氏罵不從亦被害

劉氏名愈娘沙縣劉國美妻至正末江西寇鄧克明攻破縣治愈娘失夫所在奔匿草莽間爲賊所掠迫以行至安濟顧謂同行諸婦曰吾寧死不受辱遂抱懷中子投河而死通判劉總以聞詔旌其門

柯節婦陳氏長樂人至正中爲賊所執罵不已忽振厲自投江中屍逆流而上夫驗其背有黑子昇歸殮之

李馬兒妻袁氏瑞州人至正二十二年李病沒袁氏年十九誓不再嫁有王成者挾勢欲強娶之遂縊夫墓

王世明妻李賽兒房山人至正二十五年竹貞軍至縣李氏及其女皆被執李氏謂其女曰與其受辱不若死女曰母先殺我李氏先殺其女而自殺竹貞爲葬祭仍書其門曰王世明妻李氏貞節之門有司上其事爲樹碑

陶宗媛杜思綱妻台州人早寡守節賊至護姑柩不去賊  
道脅之曰任汝殺我從先姑地下耳遂遇害妹宗婉娣  
王淑皆赴水死

高麗氏宣慰副使索羅帖木兒妻至正二十七年夫死于  
兵積薪自焚

酒

丑閻妻侯氏閻為賊所殺以布囊囊其屍昇至其家侯氏  
出大哭且列酒肉滿前渴者令飲飢者令食肉以給  
賊之不防已至夜自縊死事聞贈閻河南行省叅將侯  
氏寧夏郡夫人表曰雙節

馮三妻閩人不知何氏三不從賊賊剛之妻隨三號泣俯  
拾剖肉納布裙中伺賊遠收三血骸脫衣裹之大泣投

江而死 三事詳見忠義考

朶里不花妻妾蒙古人不花拜江西行省叅政土寇金榮  
作亂不花死其妻卜顏氏妾高麗氏在側不去皆大罵  
曰我平章遇爾父子至厚何暴逆至此皆遇害

普顏不花妻阿魯真蒙古人 大明兵至山東不花死阿  
魯真歷呼家人告之曰我夫受國恩我亦封夫人今事  
至此惟有死耳已而不花二弟之妻各抱幼子及婢妾  
溺舍南井死井已填塞阿魯真遂抱子投舍北井女及  
妾孫女皆隨溺焉

張思孝妻華氏大同人為貊高兵所執以不受辱見殺其  
婦劉氏大罵不已賊并殺之死後姑婦手猶相持

觀音奴妻卜顏的斤蒙古氏宗玉黑間女大都被兵謂夫  
曰我國族且年少必不容于人自縊死

張棟妻王氏大都人被兵語家人曰吾狀元妻義不  
可辱赴井死其姑哭之慟亦赴井死

安志道妻劉氏順州人軍欲污之劉氏曰我弟與夫皆進  
士豈受汝辱軍士以兵摩其體劉氏大罵乃斷其舌而  
死

宋謙妻趙氏大都人城破趙氏子婦溫氏高氏孫婦高氏  
徐氏皆美色合謀曰兵且至我等豈可苟全趙即自經  
死諸婦四人諸孫男女四人衆妾三人皆赴井死

王宗仁妻宋氏永平人進士宋娶女從夫避兵俱爲軍虜  
行至玉田縣有窺其色美欲害宗仁者宋氏顧謂夫曰  
我必不以身累君携一女投井死時年二十九

徐獯頭妻岳氏大都人城陷夫婦同赴火死其母王氏二  
女一子皆抱持赴火死

朱氏黃仲起妻杭州人至正中張士誠寇杭州其女臨安  
奴先別母求死俄賊驅諸婦至其家且令朱氏母子看  
守朱氏懼受辱與女及妾馮氏俱縊死仲起嫂蔡氏抱  
幼子玄童與乳母湯氏皆自縊

韋雍妻蕭氏沂州人元末兵亂雍被虜蕭呼雍曰願死君  
前義不受辱賊俱殺之詔贈蘭陵縣君

李氏光澤人成一元妻至正末江西寇陷光澤邑民依烏

君山之王隆宮以居鄰寇乘機入山剽掠李氏被執驅迫以前行經龍牀石崖深壑處李氏力曳所縛繩與賊俱投崖死

杜原妻蕭氏安陽人元末兵亂原挈家之官真定途遇群盜蕭謂其夫曰汝當避難我自爲計遂投河而死

季銳妻何氏龍泉人至正中避兵于邑之繩門巖賊至被執欲污之乃與子榮兒女回娘俱投崖而死

韋寅妻王氏名惠高郵人元末城將破里中乘亂恣掠惠匿薪中盜發薪惠恐辱給賊以薪下有金得脫赴井死年二十四姑夏氏俯井悲慟亦自墜有女奴始笄亦赴井死

陳氏福寧州人林克威妻也元季亂兵屠戮克威家陳氏扶姑抱子走匿山谷中後潛歸母家時年方二十有四母憐其少欲使改適令人微諷之陳氏泣曰棄老穉而他適禽獸所不忍爲也毅然勵操終養其姑撫成其子年八十三而終

葉氏大同人張思孝妻元季爲額高兵所執以不受辱見殺其婦劉氏僵壓姑尸大罵不已兵并殺之後家人驗其尸婦姑之手猶相持不捨

陳九淵妻袁氏分宜人元季兵亂邑萬戶王同者聞袁美姿容殺其夫欲娶之袁曰夫爲我死我當以死報遂自刎



李氏名智貞浦城鄭全妻九歲母卒哀慟欲絕不茹葷三  
年父以許全後客邵武邵武豪慕其聰慧強納采聘智  
貞斷髮拒之且數求自死豪不能奪卒歸于全事舅盡  
婦道泰定間全病歿智貞悲泣不食數日而死元季旌  
表門閭

蘭氏江西安吉人爲鄺家婦陳友諒部屬鄧平章陷其縣  
帥某聞蘭有殊色將納之蘭曰帥貴人妾事之無恨然  
吾良人以禮幣聘妾爲婦者若干年與生二子妾不忍  
即背恩軍中禮不備請持一月喪乃爲帥婦帥許之服  
未終移兵別縣帥曰吾如汝約今夕諧吾婚乎蘭曰諾  
旣而帥他之使二卒守蘭曰爲取鷄酒具香火今夕吾

爲帥婦敢告先良人靈卒俱出乃先殺嬰兒嚙指血書  
壁曰涇渭難分濁與清此身不幸厄紅巾孤兒未忍更  
他姓烈婦何曾嫁二人白刃相揮心似鐵黃泉欲到骨  
如銀荒村日落猿啼處過客聞之亦慘神書罷先刎二  
子即自刎帥返詢二卒卒指壁間題倩人讀其詩馳白  
鄧聞之陳陳爲立廟旌表

陳道安妻林氏文昌人元末寇亂道安陷于中欲密圖賊  
謀泄被殺林氏瘞道安泣盡哀自啖土梗而死

閔本妻程氏河內人本爲集賢學士有子一女二 大明  
兵至北本謂程曰吾當死于忠程曰君能死忠妾敢愛  
其生乎夫婦自縊二女見父母死悲號哭泣亦縊本旁

少男歸河內

李木魯遠妻雷氏順陽人遠爲襄陽尹拒賊被害雷爲賊所執欲妻之乃詆賊曰我魯叅政冢婦縣令嫡妻肯從汝狗彘生乎遂見殺

天台金沙里女王靜安年十七歸同邑楊伯瑞瑞爲樞密院斷事官未幾死于兵靜安守節不嫁權貴爭求之至截髮自剄幸不死

陰有光妻張氏句容人年十五歸陰氏六年而有光卒誓不改節父母迎歸許嫁尹氏子氏知乃自刎明日姑至復甦曰不幸至此毋以新婦爲念言旣而絕

王粹甫妻呂氏少寡獨一女織紉緘縷爲食義不易節至正中大饑有欲強聘者乃携其女赴水死

萬性善妻胡氏進賢人夫歿子幼諸舅諷欲嫁之胡不應一日歸集諸姊妹動以利害卒不變言未旣而禮幣至門胡乃引刀斫案曰必欲強我命盡今日衆懼而止後卒揭文安題其墓曰貞烈婦

匡才妻高氏邳州人與百家奴守邳時徐守張某攻下邳才擊敗之未幾才計事幕府賊乘虛襲破邳執高氏以去高氏大罵不屈賊怒拔刀斫面仆地賊以爲死獲免百家奴破賊幕府分其產畀之以旌其節名其田曰夫人莊

張氏定遠人樊某妻也有容色夫死于兵子宗吉方十歲

張為兵所驅溺水渚驅者謂宗吉曰呼汝母來則活汝  
母子張竟不從遂溺死

暗都刺妻張氏華亭人夫為昔縣監卒于官張自縊死

李如忠繼妻馮淑安字靜君大名人如忠山東人初娶蒙

古氏生子任而李如忠後為山陰尹病篤謂馮曰柰汝

何馮斷髮自誓如忠沒兩月生遺腹子名伏李氏及蒙

古氏族相率來山陰盡取其貲及子任以去惟餘如忠

及蒙古氏二柩馮朝夕哭臨權厝二柩叢山下携其子

廬墓側時年二十二父母來欲使更適人馮爪面流

血不從居二十二年乃歸葬

趙哇兒妻蕭氏六宜人夫死在區製巨棺自縊同殮

孟志剛妻衣氏汴梁人志剛儒士家貧無子及卒衣給匠

者曰棺可寬大吾夫有遺衣服欲盡置其中匠於然之

是夕衣祭其夫自縊死

曹德妻侯氏鉤州人德病死侯曰欲守志而時值亂離如

此其能免乎遂縊死于墓

奉化陳氏婦以貞節稱者五人初陳元娶竺氏生子伺而

元卒竺氏年二十二義不再適伺娶璩氏生子瑞泰二

人伺亦以疾夭璩氏年二十六後五十八年卒瑞娶王

氏生子通甫而瑞復天王氏年三十後五十九年卒通

甫娶樓氏樓氏甫年歸于陳至二十六而寡父母欲奪

其志泣不從其姑王氏年老事之尤謹姑卒殮葬悉如

禮子四人長養才娶樓氏生子孟薩孟熙而養才遇疾  
不愈方卒時樓氏年二十六亦守節不移  
李忠妻王氏忠偶弱死王氏求屍得之踊痛幾絕既殮又  
欲赴水死姑救免還家日夜哭絕不飲食數日自縊死  
劉氏燕山人幼失怙贅壻松江人初不知為亡卒而自有  
妻久之會救壻謂劉曰吾歸松當即還後竟不返劉尋  
至松壻不復認劉仰天痛哭剪髮自誦佛經行丐于市  
宿于發堯象人情之不三施因搆一室製棺夜卧其中  
殆五十餘年鄰火列入棺呼曰器物悉取去乞闔棺以  
畢吾事于是與室俱燬  
李氏餘干人故邑艾子高苗民悍至被執欲污之大罵而

上死

張婦鄭氏淄川人寡居以老孫婦李氏亦有節操詔旌曰  
雙節

毋丘氏四川人適邑人蕭璩年二十三璩死矢志不二詔  
旌其門復其家

相氏朱原方妻安丘人年二十夫卒自縊同葬旌表

王氏馬英妻夏津人英卒王誓不再醮餓而死旌表

張氏女沂州人適王氏夫卒剪髮歛葬後蒙旌表

孫氏三原張德妻德亡孫年二十四誓死靡他子世享亦  
蚤卒妻王氏年二十九亦誓不再嫁世享子忠亦早卒  
妻劉氏年二十八亦能守義不渝操履清白先後相望

事聞詔旌表其門

王氏涇陽人袁天祐妻天祐從征死甘肅宗族欲改嫁之

焦氏哭曰袁氏不幸三世孤寡皆守節義豈可至吾遂

廢裳不復言事聞旌表

趙十一妻袁氏宣城人年二十生男甫一歲而夫亡袁勵

節撫成其子年六十二終詔旌表

李義實妻趙氏南陵人二十四夫亡勵節終身事聞旌表

竇天驥妻胡氏青陽人胡及筭適竇踰年夫亡守節六十

餘年卒事聞旌表

步善慶妻陳氏善慶贅子陳早卒父曰汝年少嘗為汝求

配陳不答即自經死事聞旌表

李聚妻王氏獲嘉人孝子全之母有淋德生一子二女夫

卒時年二十四勵志不貳人莫能奪拾穗紡績撫育孤

子總管許公以聞旌表其門

李彬妻張氏新安人年十九夫亡生一子二歲其家憐其

少寡欲嫁之張誓不易操有司以狀聞旌其門曰堅節

劉應麟妻郝氏建康人初應麟卒子方孩時祖姑王氏以

夫虎為統帥死敵不出戶者數十年姑郝氏亦自二十

歲守節應麟妻上事二姑惟謹而志操尤勵人謂三世

貞節云

西李茂德聘同郡張氏女年十七故李氏生子庸甫六

歲而寡舅姑憐其少欲嫁之使左右諷之即引刀截髮

以見志乃止茂德之弟仲德亦早卒其妻張氏年二十  
有八生子慶方割亦誓不再適從弟希賢妻陳氏年二  
十有四希賢卒時其子亦方孕四月守志益堅一門三  
婦以貞白聞

薛敷妻馬氏名瑞香湯陰人幼讀孝經列女傳通大義父  
母鍾愛擇壻得敷贊之生一女敷拙于家事婦翁怒責  
敷遂離去踰三年父母憐其幼諭令再嫁俯首不答乃  
書女無再醮之義以告父母不從乃投井死留片紙于  
懷中書謝別父母之辭聞者傷之御史王構作傳

齊關妻劉氏河南人關應募為千夫長戰死刘家貧守節  
有來強議婚者劉紹曰吾三月三日有心急憤畢當從

死言至日徑往彭德天學寺登浮圖絕頂仰天曰吾本  
河內名家女夫已死不敢失節遂投地而死

燕山項氏其夫江南人行賈燕薊間聘項與居未幾夫死  
項時年二十奉柩回江南誓以夫餘貲養姑以自終比  
至姑已改適勵志子居以守天祀肝江李宗閔列其事  
而賦之曰少無倚老何堪白髮孀孀亂不簪憂裏尚  
思江北好悔將夫骨葬江南

傅氏紹興諸暨人年十八適同里章瑜瑜為苛吏督軍興  
期會迫死道上訃至傅氏蒲伏抱屍舐泣三日夜不  
忍入窺屍有腐氣猶依屍呵含目冀復甦既入棺至嘯  
其棺成穴及葬投其身壙中毋強挽以出刺未百日毋

欲奪志詔聞遂大慟連日不食母孺侍婢謹視之閱數  
日始解者當浴若輩理沐具俟予既而失死在明日婢  
汲井見二足倒植井中乃傅氏也  
鄭氏四節婦歛人鄭千齡妻洪氏年二十六而寡始終貞  
白子二曰玉曰璿王死節妻程亦死之壽何矢志撫其  
孤璿早卒妻王亦不二志云  
汪氏休寧人夫亡監郡欲取之託媪探其意汪罵曰監郡  
風化之首而為此何以見吏民乎守節終其身  
管玉田妻梅氏兵破城夫亡匿小民家兵入夫逸去梅為  
賊所得將活之梅乘間赴水水淺不得溺至以刃臨之  
不為動復以鉤力挽不肯升乃以戈戕其腋死

武命妻陳氏武卒父母迫之再嫁陳對鏡以墨刺面為  
痛念夫情四字矢不更嫁

龔氏三女晉江人長曰益適柯允中允中從戎而歿益年  
二十女次淑能誦說古賢女言行年十八適張仁仁早  
卒淑年二十三歿死相從時其孤尚幼家人苦諭以宗  
祀無託而止季婉年十七適列允正允正早世婉年十  
九携二孤躬負土築墳三女俱早孀而舅姑皆先卒  
裝每依喪終咸挈孤依父以居封墳自力誓死不二  
初貞妻趙氏濱州人夫卒既葬不食死  
東高妻李氏濱州人夫卒自縊  
觀音奴妻羅氏濟寧州人夫歿王事投水死

任仲文妻林氏寧海人家貧早寡守節不移年一百三歲  
而卒  
劉應震妻范氏合卷之文應震疾作不能成禮未幾卒服  
除毋欲改嫁不許母曰未配非改節也對曰若在列氏  
家廟且有姑在姑毀復有以為請誓死不易  
平章闊交之側室高麗氏有賢行平章死誓弗貳適正  
室子拜馬朶兒希悅其色欲妻之而不可得乃以其妾  
亦有大谷納環子獻于太師伯顏伯顏特為奏聞奉旨  
命拜馬朶兒希收繼小母高麗氏高麗氏夜半親母踰  
垣而出削髮為尼  
丁氏名月娥西域人軍職馬祿丁之女故蕪湖葛家三而

南北兵起就居郡中無何汚寇奄至城失守月娥慨然  
曰吾替纓家女何忍見犬豕耶即抱所生女赴水死媿  
勝凡九人皆爭入水無後者

范氏汝陽縣民莊十一妻也夫亡范年二十七舅姑老子  
幼家貧無親勸其他適截髮自誓縫績以養舅姑恪守  
婦道年八十事聞詔旌為貞節

張訥妻列氏藍田人訥為監察御史早卒列守志不二河  
東受兵其二子衡衍俱以事出外刺度不能自脫遂棄  
二婦孫氏姚氏同縊死  
吳中妻列氏安陽人夫亡列且以婦泣人不忍聞未半歲  
生子一日服練及寧父母欲更適列曰夫亡子在焉



他適况舅姑年老無人奉侍自是不復敢寧此舅姑歿  
送終尽礼教子成立年八十四卒有司以闡旌表其門  
何氏衢州龍游縣儒家婦至正間為亂兵死掠裂帛題詩  
曰失身在補君玉事死節難酬夫塔恩題畢投江而死  
列氏大同人至正戊申秋年姑率氏俱為河南軍帥所掠  
若被驅迫華謂烈曰汝芳年奈何烈曰有死耳華曰勿  
無刃縊在索奈何烈曰當激賊怒以就死耳遂相與大  
罵遇害時年二十二嘗賦庭栢以自况有既保歲寒志  
不在遐年壽之句

孝節婦崑山人水得之妻年二十夫亡誓不嫁或勸之曰  
無子老將何依婦拒曰夫者天也天可二乎夫死無子

命也欲自經其兄子覺之得不死後同籍繫獄婦常連  
坐任事者脅之曰若適人可全婦曰吾不忍以危難棄  
礼義虽死每悔事聞詔旌之

韓氏保寧人年十七遭明王珍兵亂慮為所掠乃服界子  
服混民間既而被虜居兵五六年人莫知為女至後從

王珍兵掠雲南遇叔父贖歸成都以適尹氏人號貞女  
柳氏女嘉興人父為縣吏至正末紅巾賊陷嘉興女時年

十八年其父母同竄匿為賊死得驅以行至河許紹欲  
結襪賊不知防遂投水而死即人金網作記表之

羅氏名妙安陽人能暗誦烈女傳年二十故鄭琪以功  
擢鉛山州判羅封宜人至正末信州陷羅取所佩刀淬

礪令銘琪問柯為曰時事如林萬一遇難為自除計耳  
已而兵至自刎死  
尹大中妻黃氏穀城人至正末為賊所虜欲辱之不從分  
其尸  
黃氏崇明人季富妻至正初海寇入境掠士女登舟者甚  
十餘人黃氏義不受辱即投海死時年二十七  
王子溫妻華亭人姓諸氏子溫家貧諸以女紅給其服膳  
畧無愠色元丙申兵劫松江子溫欲挈以逃難諸流涕  
曰豈可以我一婦人致累汝耶汝第去我自為計乃與  
鄰嫗避於南城陋室中少頃賊入隣嫗皆為所行獨諸  
怒罵不從賊掣刃剖其腹罵不絕口而死

費元琇上海名家女故廣陵朱氏元至正間從宦江陰盜  
起因故寧避亂邑陷苗軍露刃欲私之元琇罵不已苗  
怒刺之妹元微有女德故華亭陶氏年三十喪夫誓死  
不嫁時孫雙節  
沈景新甘妻平江人元至正中景新調上海吏江浙苗軍  
大肆殺掠甘與婦謀曰吾家素清白義不受辱身為苗  
軍所擒曰你能送我我不殺汝婦姑大罵苗軍怒刃其姑  
縛婦髮馬尾曳殺之  
高氏崇德石門人吳守正妻名淑靜嘗從容謂守正曰方  
今群盜蜂起萬一不測幸惟有死而已元至正中盜陷  
崇德淑靜倉皇後八歲女登舟以避有盜數輩奔入其

蘇乃抱幼子投河死  
元氏崇明人朱虎妻元大德間虎官都水監坐罪籍其家  
吏錄送崇氏及二子赴京太岳提點師甲乞歸家欲妻  
之茅氏誓死不從卅子三人以裾連結晝夜踰泣形貌  
銷毀而不可奪釋之虎故人王大卿等贖茅氏為永  
明寺尼憂憤不食卒後虎兄子謙以聞旌表其墓錄付  
史館

周婦松陽人姓毛氏美姿色至正中隨夫避亂麻鷲山中  
為賊所得脅之曰從我多與金否則殺汝毛氏曰寧割  
我心不願汝金賊以刀磨其身毛氏大詈曰賊碎則臭  
我碎則香賊怒刺其腸而去

金氏鄞縣人程徐妻文端學仕元為詳定使有女名瓊適  
潮州同知陳久至正中京城破金氏謂女曰汝父出捍  
城我三品命婦汝儒家女又進士妻不可受辱抱二歲  
小子及女赴井死

徐氏天台人狄恒妻恒早沒徐年十八守節不再醮至正  
末避亂牛園山為賊所執驅迫以前紹之曰吾渴甚欲  
飲求水一杯賊令自汲即投井死

鄧氏安吉人宋進士朱甲妻甲仕浙東以節從至元間朱  
沒鄧護喪還至玉山里留居避盜勢家柳氏欲強聘之  
却不得死拒得免家居勸姑甚謹姑嘗病鄧禱天割股  
肉進啖而愈後姑喪以哀聞大德中旌

湯煇妻張氏龍息人滇兵亂先後家財出若夫與姑守之  
舅以疾未行張飯供藥膳賊至即以輿載舅行已而遇  
賊賊以刃脅之曰從我則生否則死張掠髮整衣請受  
刃賊未忍殺張懼遂即奪其刃自刺死時年二十七  
臨淄陶國賓妻許氏  
長清楊惟儉妻任氏  
行省都事賈訥母荆氏  
大名王德政妻郭氏  
諸城崔立妻紀氏  
昌邑呂義妻岳氏  
高密李章妻王氏  
嘉祥黃宅妻武氏

朝邑馬宅妻王氏  
臨朐巨林妻王氏  
蒲城党通妻張氏  
南樂韓德妻楊氏  
濟寧尹貞妻神氏  
濟寧李鳳妻劉氏  
濟寧王德妻秦氏  
章丘劉聚妻王氏  
中興路伯顏妻阿迭的  
臨淄牟處士妻耿氏  
鄒縣房天驥妻礼氏

濰州王寔妻傅氏  
臨朐楊原妻顏氏  
南樂趙遜妻庫氏  
利津馮母劉氏  
章丘盛時中妻刘氏  
濟南李名妻劉氏  
章丘游貞妻王氏  
臨清宋居讓妻王氏  
章丘馬榮妻晉氏  
濰州國忠妻鞠氏  
濰州韓敬妻周氏

南樂睢伯顏妻劉氏  
章丘趙讓妻王氏  
即墨張約妻宋氏  
寧海孫思敬妻閻氏  
高州蕭又妻趙氏  
河間王成妻劉氏  
奉元李郁妻崔氏  
南陽却二妻張氏  
龍興張仁興妻鄒氏  
樂安蔣恒妻劉氏  
淄川王德用妻張氏

長山高敬溫妻劉氏  
樂安聶貴妻劉氏  
建昌王時清妻李氏  
城武王宅妻苗氏  
衛輝安寅妻陳氏  
冀寧李孝仁妻寇氏  
濮州王義妻雷氏  
懷慶阿魯輝妻翟氏  
樂安王仁妻劉氏  
茲陽劉洋妻史氏  
淄川公孫顯妻蔣氏

淄川王婦胡氏  
益都張崑妻丁氏  
壽光掌谷稅妻劉氏  
壽光蔣婦毛氏  
昆明皇甫璇妻楊氏  
昆明景縣尹妻王氏  
東平州楊三妻張氏  
新昌蔡玄通女  
德興葉起巖妻方氏  
魯山王大妻張氏  
古田李仕遠妻徐氏

吳江方伯洋妻江氏  
壽光張婦仵氏  
壽光朱行義妻赫氏  
高苑楊富妻崔氏  
昆明桑知州妻李氏  
東平州刺臺妻蒲氏  
陽穀劉玉妻王氏  
高安胡氏  
鍾離程寬妻孫氏  
漢陽劉通判妻梁氏  
燕人張買妻王氏

馮翊王義妻盧氏

睢陽劉澤妻解氏

大都潘居敬妻陳氏

大同李文寶妻張氏

河南閻遂妻楊氏

大都王成妻高氏

冀寧梁世明妻程氏

大興郭仲安妻李氏

昌樂尚成妻劉氏

辰州萬戶圖格里不花母石林氏

金州杜祖隆妻張氏

大都劉德仁妻王氏

大都同知忙兀秃魯迷失妻海迷失

山丹州郝榮妻李閏

甘州阿兒思蘭免古妻忽都的斤

濟南馬萬妻晉氏

大都右營巡院胡德妻曹氏

大寧李天麟妻韋氏

沁州劉煒妻張氏

任城王德妻秦氏

金華吳墳妻宋氏

廬州高仁妻張氏

甘州岳忽南妻失林

蓋州完顏帖哥住妻李氏

良鄉韋安妻張氏

永城縣民張氏

奉化舒燕妻徐德柔

奉化朱春妻舒淑初

奉化張紹庭妻汪本奇

慈谿方婉妻翁淑真

慈谿沈景莊妻顧氏

慈谿沈則妻王氏

以上皆守節被旌行實未詳附著于此

雷州朱克彬妻周氏

大都費巖妻王氏

大都買哥妻耶律氏

曹州鄭臘兒妻康氏

陝州陳 妻別姓姚

大同宋堅童妻班氏

大同李安童妻胡氏

晉州劉恕妻趙氏

冀寧王思忠妻張氏

饒州劉楫妻趙氏

東平徐順妻彭氏

大寧趙雁兒妻安氏

大寧陳恭妻張氏

大寧武壽妻劉氏

大寧朱敬先妻謝氏

大寧撒里妻蕭氏

大寧何干妻桓都賽兒

古城魏貴妻周氏

任城郭灰兒妻趙氏

棗陽朱某妻子氏

益都楊和卿妻尼氏

益都劉朝綱妻段氏妾宋氏

安丘朱元方妻相氏

葉縣王保子妻趙氏

興州民妻魏氏

樂州裴 妻董貴哥

直隸民妻周氏

冀寧民妻魏益紅

成都張保童妻郝氏


利州高塔必妻白氏

河南張 妻盧氏

蒙古泰木妻阿不察

蒙古相兀孫妻脫脫真

以上並以死殉夫蒙褒表或賜錢贈諡行實未詳附著于此



續文獻通考卷之二十一

終五終

九十五



第一卷  
第一頁



